



RELATÓRIU SINTEZE

# LEVANTAMENTU COVID-19 IHA TIMOR-LESTE MAIU 2020 - MAIU 2021

Relatóriu ida ne'e prepara husi Bu Wilson, Pauline Tweedie, Christine Bantug, Carmenesa Soares no Leslie Lim (dezeñu no grafiku).

### **REKOÑESIMENTU:**

Ami hakarak fó obrigado wain ba respondente sira hotu iha levantamentu neen nian ne'ebé ho voluntariamente fó ona sira nia esperiensa ba objetivu peskiza ida ne'e. Ami mos hakarak fó ami nia agradesimentu wain ba Departement of Foreign Affairs and Trade (DFAT) ne'ebé mak finansia servisu ida ne'e, liu husi programa Governance for Development (GfD); Parseiru local MDI (Mata Dalan Institute) no sira nia intrevistador sira: Adriana Maria Tavares, Advises Freitas, Juvelita da Costa, Elisabet Dominica da Costa, Onesto de Sousa, Jose Amaral, Natalisto da Silva, Batista Borges, Adrovaldo Pereira, Lamberto Cabral, Jose Lelo Bere, Juvelina Freitas, Bonifacio Tavares, Mario Da Silva, Tito Pinto de Araujo, Saturnino Maia, no Noe Gaspar Tilman ne'ebé mak hala'o levantamentu neen via telefóni; ORIMA Research (Australia) ne'ebé fornese parseiru tekniku no prosesamentu dados iha levantamentu ronda neen nian.

# TABELA KONTEÚDU

<b>AKRONIMU NO ABREVIATURA SIRA</b>	<b>V</b>
<b>SUMÁRIU EZEKUTIVU</b>	<b>1</b>
Governu nia politika atu Responde	2
Konkluziun Prinsipal	3
Deskoberta Nivel Nasional	3
Dili vs fora husi Dili	4
<b>INTRODUSAUN</b>	<b>5</b>
Antesedente husi Peskiza ne'e	5
Peskiza Seluk	7
<b>KONTESTU</b>	<b>8</b>
Kronolojia COVID-19 Timor-Leste	9
Vulnerabilidade ne'ebé Ez iste	10
Bee-Sa'e Paskoa 2021	10
Governu nia Apoiu	10
Medida Orsamentál	11
Vasinasaun no Ezaminasaun	12
<b>REZULTADU SIRA</b>	<b>13</b>
Preokupasaun Boot liu	13
Impaktu Sosial no Ekonomiku	15
Medida Prevensaun no Hahalok Kuidadu Saúde	17
Vasinasaun	18
Fiar ba Governu	19
Utilizasaun no Satisfasaun ba Governu nia program/Governu nia Apoiu Sira	21
Protesaun no Seguransa	22
Reziliensia Personál no Komunitade	23
Infraestrutura no Servisu	24
Governansa no Partisipasaun	24
Bee-Sa'e no Siklone	25
Notisia no Informasaun	26
<b>KONKLUSAUN NO MENSAJEN XAVE BA GoTL</b>	<b>28</b>
<b>ANEKSU SIRA</b>	<b>30</b>
Aneksu A: Metodolojia Detalle	31
Aneksu B: Bibliografia	35



# AKRONIMU NO ABREVIATURA SIRA

DFAT	Departamentu Negósiu Estranjeiru no Komérsiu Australiana
FAO	Organizasaun Ai-han no Agrikultura
GfD	Governasaun ba Dezenvolvimentu [DFAT nia investimentu]
GMN TV	Grupo Média Nacional TV
GoTL	Governu Timor-Leste
MDF	Fasilidade Dezenvolvimentu Merkadu [DFAT nia investimentu]
MDI	Institutu Mata Dalan
MSME	Emprezáriu Mikro, Ki'ik no Médiu
RTTL	Rádio no Televizaun Timor-Leste
SoE	Estadu Emerjénsia
TAF	The Asia Foundation
UNITAR	Institutu Nasoens Unidas nian ba no Peskija
UNTL	Universidade Nasionál Timor-Leste
WFP	Programa Mundiál ba Ai-han

# SUMÁRIU EZEKUTIVU

COVID-19 ka pandemia global virus corona husu ona resposta ne'ebé boot husi governu hotu-hotu iha mundu; Timor-Leste iha ninia rekezitu úniku wainhira responde ba akontesimentu ida ne'ebé mak envolve ona to'o iha magnitude ida ne'e. Relatóriu sinteze ida ne'e hanesan deskoberta ba levantamentou ne'ebé ne'ebé mak foti husi levantamentou ronda neen ne'ebé hala'o husi Fundasaun Azia (Fundasaun) iha Timor-Leste, husi fulan Maiu 2020 to Maiu 2021.<sup>1</sup> Servisu ida ne'e suporta husi Departamentu Assuntu estranjeiru no komersiu the Department of Foreign Affairs and Trade (DFAT), Liu husi programa Governasaun no Dezenvolvimentu the Governance for Development (GfD). Parseria mos ho parseiru lokal MDI (Mata Dalan Institute), Levantamentu via telefóni neen ida ne'e realiza iha interval kada fulan rua. Ho suporta husi ORIMA Research, deskoberta ba kada ronda levantamentou sempre disponibiliza liu husi relatori sira no folla tekniku iha lian Tetum no Ingles.

Dadus husi ronda levantamentou ida ne'e sempre partilla ho xavi parte interesadu sira iha governu no parseiru dezenvolvimentu sira seluk; no permite fundasun hodi hatene di'ak liu tan kona ba preokupasaun povu Timor-Leste; di'ak oinsa sira bele adopta medida prevensaun no kuidade sira nia saúde; nivel konfiansa ba governu;uzu no satisfasaun ba governu nia programa; impaktu sosial no ekonomia husi pandemia COVID-19 no medida kontrolu ne'ebé asociadu; reziliensia husi individu no komunidad; no fontes informasaun ba populasaun Timor-Leste ne'ebé konfia hodi hetan nafatin informasaun kona ba pandemia. Iha Relatóriu ida ne'e ami sintetiza informasaun ne'ebé mak ami hetan ne'ebé mak hetan iha levantamentou hotu-hotu, ami bele haree oinsá ema nia persepasaun sira, konprensaun no nia pratika sira ne'ebé mak iha mudansa husi tempu ba tempu. Ami hein katak asuntu ida ne'e, bele informa estratejia no politika responsivu husi governu.

<sup>1</sup> Levantamentu ida ne'e inisialmente ho espetativa atu hala'o iha intervalu ba kada fulan rua to'o Juñu 2021 atu haree mudansa sira ba komunidad tuir tempu. Rezultadu utilidade husi levantamentou sira, prosesa ona no oras ne'e sei kontinua ba fulan adisional balun. [Plataforma Vizualizasaun](#) dadus balun atualizadu iha kada ronda levantamentou nian atu reflète dadus ne'e.



Liu husi dezagregasaun dadus husi generu no lokalizasaun ami bele halo diferensia kona ba saida, no oinsá, pandemia afeta ba grupu diferente sira la hanesan; no permite ami hodi hala'o advokasia informasaun ho governu Timor-Leste no doador sira kona ba asuntu sira relasiona ho COVID-19. Ekseptu wainhira anota katak laiha signifikante, no continuidade resposta direferensa ba jeneru. Maibé, diferensia iha persepsaun no experiensia ba ema nia rezidensia iha Dili no fora husi dili dalaruma markadu oituan.

Timor-Leste nia kazu COVID-19 konfirmadu akontese iha 21 Marsu 2020. Tanba ne'e rezulta governu nia asaun mudansa hodi deklarasaun Estada Emerjénsia (EE) dahuluk menus husi semana ida hafoin kazu dahuluk ne'e, iha 28 Marsu 2020, Timor-Leste hahú evita situasaun aat liu husi pandemia COVID-19 ne'e ho kazu uitoan de'it no la akontese mate iha 2020. Maski nune'e iha 30 Juñu 2021, kazu total aumenta ona ba besik 9,222 no 22 mak mate, kontinua konsentra ba fronteira, kuarantena, konfinamentu obrigatóriu (lockdown) no medida serka sanitária sira; hamutuk ho implementasaun vasinasaun ne'ebé signifika katak kazu ativu (940) sira ne'e dala ida tan tun. Ho deskansu ida (27 Juñu-5 Agostu 2020) EE ne'e vigora dezde 28 Marsu 2020 no kontinua to'o loron ohin.

Maski progresu signifikante dezde ukun-an, Timor-Leste nafatin sai nasaun ne'ebé ki'ak liu iha Sudeste Aziátiku, ho kuaze 80% husi populasaun sei moris iha ki'ak ka iha risku atu monu ba ki'ak no hanesan ho nasaun sira ne'ebé ho rendimentu-ki'ik, iha nivel ansiedade aas kona-ba oinsá nasaun ne'ebé ho fasilidade médika limitada bele enfrenta surtu ida. Jestaun ba número ne'ebé aumenta ona ba kazu COVID-19 ne'e konsideravelmente komplikadu ho bee-sa'e maka'as iha 4 Abril 2021 ne'ebé afeta buat barak iha nasaun ne'e.

## GOVERNUNIA PÓLITIKA ATU RESPONDE

Iha Juñu 2020, Timor-Leste hamutuk ho nasaun 157 sira seluk ne'ebé fornese transferénsia osan inkondisionál ba sira nia populasaun nu'udar dalan ida hodi responde ba xoke ekonómiku tanba COVID-19. Iha Timor-Leste, pagamentu ida ne'e (pagamentu ba Umakain) halo ho forma transferénsia únika osan US\$200 ne'ebé distribui ba besik umakain 300,000 iha suku 452 ho kustu besik millaun US\$60. Prosesu ida ne'e hahú iha Juñu 2020.

Iha Setembru 2020, Governu anunsia programa Sesta Bázika, ne'ebé sei fornese \$25 ba ai-han ka voucher/seña/seña ida ba kada Timoroan ba fulan rua. Distribuisaun pakote ai-han/seña hahú iha Dezembru 2020. Programa apoiu sira seluk inklui subsídiu \$15 kada fulan ba fulan rua, suspensaun temporária kona-ba kontribuisaun traballadór nian ba pagamentu seguransa sosiál, subsídiu salariál 60%, no pagamentu mensál \$36 ba auto-empregu no traballadór informál sira ne'ebé fornese sira nia rejistu ba Seguransa Sosiál.


## KONKLUSAUN PRINSIPAL

### *Konkluziun sira iha Nivel Nasional*

Iha nivel nasional iha ronda lima dahuluk, respondente sira kontinua haree katak Timor-Leste la'ó ba diresaun loos, sa'e husi 40% (Maiu 2020) to'o aas liu iha 78% (Fevereiro 2021). Maibé, ida ne'e muda iha ronda final (Maiu 2021), wainhira menus husi metade respondente (48%) sente nune'e. Sentimentu katak Timor-Leste la'ó ba diresaun loos ne'e jeralmente aas liu iha Dili duké iha munisipiu sira, ho dezekilibriu boot ne'ebé mosu iha Maiu wainhira 68% husi rezidente Dili hanoin katak Timor-Leste sei la'ó ba diresaun ne'ebé loos, duké iha munisipiu sira ho 41%.

Fiar ba GoTL atu tau matan ba nia sidadaun sira durante Covid-19 sa'e hahuu iha Maiu 2020 (49%) to'o pontu ne'ebé aas liu iha Setembru 2020 (82%) no numeru ne'e tuun to'o kiik liu iha levantamentu Maiu 2021 (34%). Deskonfiansa ba governu ne'e mós iha numeru aas liu iha Maiu 2021 (55%), no numeru kiik liu iha Setembru 2020 (9%).

Iha ronda 4 to'o 6, respondente sira hatan kona-ba oinsá Governu Timor-Leste (GoTL) nia asaun di'ak sira. Jeralmente persepsaun ba governu pozitivu, maibé menus pozitivu kompara ho levantamentu sira antes ne'e desde Dezembru 2020. Porsentu neen nulu-resin ida sente governu hala'o sira sente governu nia lori nia servisu 'di'ak tebes' ka 'di'ak oituan' lori sira nia responsabilidade.



Iha Maiu 2021, aliña ho 63% iha Fevereiro 2021 maibé tun husi 75% iha Decembru 2020. Porsentu sanulu-resin-ida mos sente katak governu halo ona servisu "oituan"ka "barak" iha Maiu 2021, sa'e husi 2% iha Fevereiro 2021 no 4% iha Dezembru 2020.

Iha ronda levantamentu sira hotu, COVID-19 (inklui nia impaktu ba saúde) sai nafatin dezafiu boot ne'ebé Timor-Leste hasoru no ida ne'ebé tun liu mak 53% (Jullu 2020) to'o a'as husi 87% (Fevereiro & Maiu 2021), possibilidade boot bele esplika nia tempu ba kazu COVID-19 aumenta no nia daet no nia transmisaun iha comunidade.

Iha Maiu 2021, Maizoumenus tres-kuartu (74%) husi respondente sira indikadu sira hamenus sira nia porsaun maizoumenus dala ida iha fulan kotuk tamba menus osan. Proporsaun ida ne'e sa'e iha kada levantamentu desde Setembru 2020 (53%), maibé, hanesan mos observa iha Maiu 2020 (76%).



Proporsaan husi resposta ba hahalok prevensaun ba COVID-19 nian aplika “dalabarak” iha semana kotuk mak numeru ne’ebé boot liu entre xave prevensaun tolu ne’ebé iha hahuu desde levantamentu ronda dahuluk iha Maiu 2020, no kontinua tuun monu iha Dezembru 2020. Hahalok sira ne’e hahuu sa’e fali, maibé maske to’o iha Maiu 2021, numeru ne’e la to’o hanesan iha tinan kotuk.

Respondente barak mak hatene kona ba iha ona agora vasina kontra COVID-19, numeru ne’e sa’e desde Feveiru 2021 (78%) to Maiu 2021 (89%). Iha Feveiru 2021, husi 78% respondente ne’ebé mak hatene kona ba vasina ne’e, 91% husi sira hateten katak sira hakarak atu hetan vasina ne’e wainhira aprova ona husi GoTL. Iha Maiu 2021, wainhira vasina ne’e hetan ona aprovasaun, 43% husi respondente indika katak sira hakarak tebes simu vasina ne’e iha tempu badak. Só 9% mak hatan sira la iha intensaun atu simu vasina ne’e.

COVID-19 sai hanesan ameasa komún liu ba seguransa husi respondente sira nia area lokal, numeru ne’e sai aas liu iha Maiu 2021 (91%). Numeru ida ne’e tuun signifikante tebes iha Feveiru 2021 (77%) no Dezembru 2020 (70%).

Iha ronda 4 no 5, respondente sira hetan pergunta kona dala hira mak eskola sira loke no funsiona normalmente. Husi ne’ebá deskobre katak ‘sempre’ no ‘beibeik’ ho 83% iha Dezembru 2020, maibé numeru ida ne’e tuun ona to 75% iha Feveiru 2021. Iha tempu ne’ebé hanesan, metade husi respondente sente seguru atu haruka sira nia oan ba eskola (60-29%); no numeru mós sa’e ba sira ne’ebé dehan la seguru tanba COVID-19 (25-56%)

Televisaun sai nudar fontes informasaun ne’ebé mak uza bei-beik (73% to’o 90%) no konfia liu (76% to 90%). Wainhira husu kona ba kanal televisaun ida ne’ebé mak respondente sira sira asisti, RTTL (76-97%) no GMN (63-86%) to’o ohin loron, ida ne’e mak hanesan kanal ida ne’ebé mak asisti barak liu.



#### *Dili vs fora husi Dili*

Ba medida balu iha diferensia signifikante kona ba sira ne’ebé mak hela iha Dili no hirak ne’ebé hela fora husi Dili. Ema hirak ne’ebé la hela iha Dili menus liu mak fiar katak Timor-Leste la’o iha diresaun ne’ebé loos, menus liu hanoin katak GoTL nia dezempeñu di’ak; no menus liu mak ho positivu hatete katak GoTL hala’o nia responsabilidade sira ; Satisfasaun ba pagamentu Uma Kain, Cesta Bazika/Sistema Billeti no subsidiu eletrisidade tun liu kompara ho sira ne’ebé hela fora husi Dili. Respondente sira ne’ebé hela fora husi Dili sempre iha persepsaun pozitivu kona ba seguru no seguransa iha sira nia comunidade. Impaktu husi pandemia mos senti ho forma diferenti loos no komun liu merkadu ne’ebé mak loke iha tempu balun ka loke hela de’it fora husi Dili no menus ba ema sira ne’ebé hela fora husi dili hodi simu osan ne’ebé manda husi sira nia kolega ka familia sira ne’ebé mak servisu iha rai liur. Ba ronda da-lima iha levantamentu, ema barak ne’ebé mak hela fora husi Dili obriga kesi kabun ka hamenus sira nia porsaun

hahan maizoumenus dala ida iha fulan kotuk tamba menus osan. Maske ida ne'e hetan reveasaun signifikante iha ronda final levantamentu ida ne'e.

Suprezamente, kona-ba preokupasaun ba COVID-19 iha Dili kontinua sai aas duké iha munisipiu sira, no mós dala barak liu mak iha duké iha munisipiu sira mak ema evita halibur malu, evita fatin públiku, no uza mascara hanesan protesauun kontra COVID-19. Iha Maiu 2021, prioridade boot liu ba povu sira iha Dili mak atu hatene liu tan informasaun kona ba oinsá atu asesu governu nia programa apoiu sira, no iha munisipiu sira prioridade aas liu mak hakotu serka sanitária.

Rezidente sira iha Dili mak barak liu hetan informasaun husi TV ka radio no menus depende ba Xefe suku/aldeia. Respondente sira iha munisipiu sira barak liu mak haree RTTL. Uza media social maizoumenus dalabarak iha semana ida konsistentemente aas iha Dili duké munisipiu sira no enkuantu Facebook sai hanesan aplikasaun ne'ebé popular liu iha Dili no iha munisipiu sira, no mós konsistentemente kontinua sai hanesan aplikasaun ne'ebé popular iha Dili duké iha munisipiu sira.

Hatudu nia vulnerabilidade pre-ezistente iha Timor-Leste, ita presija apresia GoTL nia asaun atu mellora efeitu sosio-ekonomiku husi pandemia liu husi medida orsamental no variedade programa suporta sira, inklui pagamentu Uma Kain ne'ebé efektivu liu.

Atu halo resposta kontinuidade ba pandemia efektivu liu, mensajen xavi sira inklui hanesan:

- ◇ Medida sira hanesan pagamentu osan Uma Kain no Cesta Bazika ne'ebé hetan apresia husi maioria populasauun. Apoiu semellante no kontinua ba Lockdown ne'ebé tui-tuir malu husi governu tenke tetu hodi halo balansu ba impaktu sosio-ekonomiku no kuda nafatin konfiansa ba ema.<sup>2</sup>

- ◇ Garante katak medida politika sira ne'ebé foti hodi responde ba COVID-19 no nia impaktu sira serve ba ema sira ne'ebé mak hela iha Dili no fora husi Dili hanesan xave ba resposta efektivu no nivel satisfasaun ida ne'ebé a'as.
- ◇ Komunikaun di'ak kona ba apoiu programa sira hanesan sentru ba sira efektividade. Apoiu programa sira presija komunika ba publiku ho tempu ne'ebé lolos, ho instrusaun ne'be klaru ba hirak ne'ebé elijivel, iha ne'ebé no oinsá atu aplika, no nota katak maneira ema asesu informasaun iha Dili laran no fora husi Dili ne'e la hanesan.
- ◇ Hamutuk ho parseiru dezvoltamentu sira no parte interesadu sira, informasaun factual kona ba vasina COVID-19 no nia seguru sira presija atu fornese tempu ne'ebé adekuaudu hodi preventivamentu hatan ba ema nia hesitansia ka tauk ba vasina.

<sup>2</sup> *Ida ne'e importante katak Sistema administrasaun ba distribuisaun pagamentu osan ruma iha future, billeti ka sesta bazika ne'e inkluzivu. Haree Fundasaun Azia (2020), transferensia pagamentu Uma Kain no nia inisiu impaktu no efeitu sira ba no dinamika jeneru iha <https://asiafoundation.org/publication/timor-leste-covid-19-household-cash-transfer/>*

# INTRODUSAUN

## ANTESEDENTE HUSI PESKIZA IDA NE'E

COVID-19, ka coronavirus pandemia global rekere resposta boot husi governu sira iha mundu tomak; no Timor-Leste mós iha nia rekerimentu úniku rasik wainhira atu hatan ba eventu ida ne'e. Relatóriu ida ne'e mak hanesan sinteze ba konkluzaun sira iha levantamentu ronda neen ne'ebé konduz husi Fundasaun Ázia iha Timor-Leste, husi Maiu 2020 to Maiu 2021.<sup>3</sup>

Dadus sira ne'ebé hetan husi levantamentu sira kada ronda suporta ita atu komprende preokupasan husi povu Timor-Leste; Maneira di'ak saida de'it mak adota hodi sai medida prevensaun no tau matan ba sira-nia saúde; fiar ba governu; utilizaun, no satisfasaun ho, governu nia programa; impaktu ekonomiku no social husi pandemia COVID-19 no medida kontrolu asociadu; reziliensia husi individu no comunidade; no fonte notisia no informasaun ne'ebé povu Timor-Leste depende ba kona-ba pandemia ida-ne'e. Nukleu husi pergunta xave sira mantein nafatin iha kada ronda levantamentu, maibé kontinua ajusta ho atu inklui hotu programa espesifiku ruma ne'ebé implementa husi governu atu haree nia impaktu sira, ka resposta tuir evolusaun husi kontekstu ne'ebé iha. Ezemplu, pergunta adisional sira aumenta iha ronda rua ikus nian kona-ba vasinasaun kontra COVID-19. Liu husi sinteze informasaun sira hotu ne'ebé iha levantamentu sira hotu iha relatóriu ida ne'e, it abele komprende oinsá povu sira nia persepsaun, komprensaun no pratika sira tuir mudansa tempu.

<sup>3</sup> Levantamentu ida ne'e inisialmente ho espetativa atu hala'o iha interval ba kada fulan rua to'o Juñu 2021 atu haree mudansa sira ba comunidade tuir tempu. Rezultadu utilidade husi levantamentu sira, prosesa no oras ne'e sei kontinua ba fulan adisional balun. [Plataforma Vizualizasaun](#) dadus balun atualizadu iha kada ronda levantamentu nian atu reflète dadus ne'e.



Liu husi dezagregasaun dadus husi generu no lokalizasaun ami bele halo diferensia kona ba saida, no oinsa, pandemia afeta ba grupu diferente sira la hanesan; no permite ami hodi hala'o advokasia infórmasaun ho governu Timor-Leste no doador sira kona ba asuntu sira relasiona ho COVID-19. Exeptu wainhira anota katak laiha signifikante, no continuidade resposta direferensa ba jeneru. Maibé, diferensia iha persepsaun no experiensia ba ema nia rezidencia iha Dili no fora husi dili dalaruma markadu oituan.

Servisu ida ne'e hetan suporta husi Department of Foreign Affairs and Trade (DFAT), liu husi programa Governance for Development (GfD). Parseria ho parseiru lokal MDI (Mata Dalan Institute), Levantamentu neen via telefóni realiza iha intervalu kada fulan rua. Ho suporta husi ORIMA Research, deskoberta sira husi kada ronda levantamentu ne'ebé prepara liu husi relatóriu no folla tekniku iha lian Tetum no lian Ingles. Ba metodolojia detaille iha ona aneksu A.

## PESKIZA SELUK SIRA

Iha período ida ne'e Fundasaun hala'o projetu peskija komplementária rua seluk. Relatóriu kona-ba pagamentu osan ba umakain no impaktu no efeitu sócio-ekonómiku sira kona-ba dinámika jéneru sira ne'ebé publikadu iha Setembru 2020;<sup>4</sup> no relatóriu ida kona-ba impaktu ekonómiku husi COVID-19 ba Timor-Leste nia negósiu mikro, ki'ik no médiu (MSME) no setór turizmu ne'e publikadu iha Maiu 2021.<sup>5</sup>

Peskija COVID-19 relevante sira seluk ne'ebé folin hala'o iha período ida ne'e ne'ebé responde ba efeitu ekonómiku sira husi pandemia no tuir ho estadu emerjénsia, implementsaun no efeitu sira husi pagamentu ba umakain, seguransa ai-han, setór informal, feto sira iha agrikultura, no monitorizasaun ba direitus umanus nia konsiderasaun sira wainhira implementa estadu emerjénsia ne'ebé disponivel atu informa ba dezvoltamentu polítika no implementasaun programa. Wainhira Siklone Trópika Seroja no inundasaun katastrófika komplika liu tan efeitu husi pandemia, monitorizasaun no peskija kontínua. Ida ne'e inklui peskija husi GoTL, Provedoria Direitus Umanus no Justisa, Universidade Nasionál Timor-Leste (UNTL), Nasoens Unidas iha Timor-Leste, Programa Mundiál ba Ai-han (WFP), Organizasaun Ai-han no Agrikultura (FAO), Fundu Nasoens Unidas nian ba Labarik (UNICEF), Institutu Nasoens Unidas nian ba Treinamentu no Peskija (UNITAR), Parseria ba Dezvoltamentu Umanu, Catalpa Internasionál, Fasilidade Dezvoltamentu Merkadu (MDF), Oxfam, no Institutu Lowy. Favor Bele haree iha Bibliografia iha Aneksu B.

<sup>4</sup> Fundasaun Azia (2020), transferensia pagamentu Uma Kain no nia inisiu impaktu no efeitu sira ba no dinamika jeneru iha <https://asiafoundation.org/publication/timor-leste-covid-19-household-cash-transfer/>


<sup>5</sup> Fundasaun Azia (2021), Impaktu ekonomia husi COVID-19 ba MSMEs no Timor-Leste nia Seitor Turismo <https://www.timorleste.tl/documents/2020-economic-impact-of-covid-19-on-msmes-and-timor-lestes-tourism-sector/>

# KONTEKSTU

Timor-Leste nia kazu konfirmadu COVID-19 mosu iha 21 Marsu 2020. Enkuantu iha inísiu Timor-Leste parese evita ona situasaun aat liu husi pandemia COVID-19 ne'e kompara ho nasaun barak seluk, sempre koñesidu katak nasaun ne'e sai nafatin vulneravel tanba nivel aas husi ki'ak, fasilidade saúde limitadu tebtebes, no fahe fronteira iha klaran ho Indonézia. Iha fin Dezembru 2020, iha nivel preokupasaun ne'ebé aumenta kona-ba situasaun COVID-19 ne'ebé sai aat liu iha fronteira ho Timor Oeste, emerjénsia globál husi variante kontajioza COVID nian, no numeru ne'ebé aumenta ba kazu ne'ebé tama mai Timor-Leste. Iha tempu ronda levantamentu dalima iha Feveireiru 2021, Timor-Leste hasoru kazu komunitáriu husi COVID-19 ba dala uluk, buat ne'ebé konsideravelmente aat liu ona iha tempu Ronda 6 ne'e hala'o entre 1-8 Maiu 2021, wainhira iha kau ativu COVID-19 1,315 iha Timor-Leste. Iha 28 Juñu 2021, ida ne'e tun fali ba kazu ativu 801; maibé ema 2 mate ona. Atualizasaun sira bele haree iha [COVID-19 Timor-Leste Dashboard](#).

Menus husi semana ida hafoin kazu dahuluk, iha 28 Marsu 2020, Estadu Emerjénsia (EE) dahuluk deklarara husi Prezidente Francisco Guterres (Lu-Olo). EE fornese baze ba governu atu halo medida restritiva balu, inklui suspensaun ba atividade públika naun-esensiál sira, atividade eskola sira, halibur malu iha fatin públiku, no transporte públiku, no taka nia fronteira sira.<sup>6</sup> Ho intervalu ida (27 Juñu-5 Agostu 2020) EE renova fali no kontinua to'o loron ohin. Governu Timor (GoTL) impõe medida oioin inklui konfinamentu obrigatóriu (lockdown) no serka sanitária, hahú iha 9 Marsu iha Dili, no ida ne'e mós aplika dala barak ba munisípiu sira seluk.

<sup>6</sup> Neves, G. (2020). *Timor-Leste Responde ba COVID-19. The Diplomat*, 3 Juñu 2020



## VULNERABILIDADE NE'EBÉ IHA

Maski progresu signifikante durante independénsia, Timor-Leste nafatin sai nasaun ne'ebé ki'ak liu iha Sudeste Aziátiku, ho kuaze 80% husi populasaun sei moris iha ki'ak ka iha risku atu monu ba ki'ak, no hasoru resesaun ekonómika iha 2017, 2018, no 2020. Molok mosu pandemia no estadu emerjénsia, Timor-Leste iha ona vulnerabilidade oioin inklui topografia, vulnerabilidade klimátika, infraestrutura fraka, hamlaha sériu no malnutrisaun, no empregu formál no seguru uitoan tebtebes. Hanesan ho nasaun rendimentu-ki'ik sira seluk, iha nivel ansiedade aas kona-ba oinsá nasaun nia facilidade médika limitada bele enfrenta surtu ruma.<sup>7</sup>

Estadu emerjénsia no konfinamentu obrigatóriu rezulta ba preokupasaun ekonomia umakain nian. Iha munisípiu balu, konfinamentu obrigatóriu no korte ba korrente fornimentu provoka aumentu ba presu ai-han no sasán esensial sira seluk. Família barak mak halo asaun ne'ebé aumenta sira nia vulnerabilidade no redúz sira nia abilidade atu hasoru xoke sira oin mai, hanesan, hanesan han sira nia animál haki'ak, rai fini ka produktu to'os, empresta osan ka fa'an sira nia rikusoin.<sup>8</sup>

## INUNDASAUN PASKUA IHA 2021

Jestaun ba número COVID-19 ne'ebé sa'e ona iha Timor-Leste ne'e komplika liu tan ho udan boot husi 28 Marsu-4 Abril 2021 akompaña ho Siklone Trópika Seroja, rezulta ba bee-sa'e aat liu dezde tinan 40 resin nia laran. Ida ne'e rezulta mate 48, umakain 30,367 afetadu, no total 2,660 hektár área agrikultura afetadu loos. Maski munisípiu hotuhotu hasoru bee-sa'e, ema afetadu 81% mak iha Dili.<sup>9</sup>

Hafoin dezastre bee-sa'e ne'e. Timor-Leste kontinua esperiensa aumenta husi numeru transmisaun local husi COVID-19.

Iha tempu entrevista ronda 6 nian, ema 3,125 mak sei dezloka iha sentru evakuasaun 17 iha munisípiu Dili; maski iha 18 Juñu 2021, ida ne'e tun ba ema 813 iha sentru nen, ka 6 % husi número total ema iha tempu krize boot liu (8 Abril). Maioria husi dezlokadu temporáriu fila ona uma, no Governu no parseiru umanitáriu tulun sira fila ho seguru ba comunidade.<sup>10</sup>

## GOVERNUNIA APOIU

Iha Juñu 2020, Timor-Leste hamutuk ho nasaun 157 sira seluk ne'ebé fornese pagamentu osan kondisionál no inkondisionál ba sira nia populasaun nu'udar dalan ida atu responde ba xoke ekonómiku sira tanba COVID-19. Evidénsia global sujere katak programa transferénsia osan iha impaktu pozitivu konsistente ba seguransa ai-han no rekoñesidu liuliu nu'udar dalan efetivu ida atu fornese asisténsia sosial hodi redúz kustu administrava no operasionál sira, velocidade no fleksibilidade husi resposta/ reasaun, efeito multiplikadór ba merkadu lokal no empregu sira, no opsaun no kontrolu ne'ebé nia fornese ba ema atu sosa saida mak sira presiza liu.

Iha Timor-Leste, pagamentu ba umakain ida ne'e halo ho forma pagamentu osan únika ho US\$200 ne'ebé distribui ba aproximadamente umakain 300,000 iha suku hotuhotu hamutuk 452. Prosesu ne'e hahú iha Juñu 2020. Pagamentu ne'e inkondisionál, signífika la iha bandu ba oinsá atu gasta osan ne'e, maibé aplika rekizitu ba elijibilidade. GoTL fó mandatu atu uza Sistema ezistente ida husi Fixa Familiár, no distribui pagamentu ne'e ba ema ne'ebé mak xefe umakain iha fatin simu nian iha suku idaidak husi Ministériu Solidariedade Sosial no Inkluzsaun nia staf no xefe suku sira. Peskija sira seluk ne'ebé hala'o husi Fundasaun indika katak ema mesak de'it ka sira ne'ebé la hela ho sira nia família, purezemplu estudante sira, feto sira iha

<sup>7</sup> DFAT, (2021). *Pakote resposta pasifiku COVID-19 - Timor-Leste*, Maiu 2021; DFAT, (2020). *Planu resposta dezenvolvimentu COVID-19 iha Timor-Leste*, Outubru 2020; Neves, G., (2021). *Timor-Leste, Dezastre Natural no COVID-19 nia vitimal*, Diplomata, 19 April 2021; DFAT, (2021). *Pasifiku COVID-19 Pakote resposta - Timor-Leste*, Maiu 2021; Neves, G. (2020). *Resposta COVID-19 iha Timor-Leste*. *The Diplomata*, 3 Juñu 2020.

<sup>8</sup> Neves, G., (2021). *Timor-Leste, Dezastre Natural no COVID-19 nia vitima*, Diplomata, 19 April 2021; DFAT, (2021). *Pasifiku COVID-19 Pakote resposta - Timor-Leste*, Maiu 2021.

<sup>9</sup> UNICEF nia Relatóriu situasaun humanitarian iha Timor-Leste (Inundasaun) 18 Juñu 2021; Rezidencia Nasoens Unidas no kordenador humanitaria iha Timor-Leste, Inundasaun iha Timor-Leste -Relatóriu Situasaun Nu. 10 (iha 18 Juñu 2021).

<sup>10</sup> Rezidencia Nasoens Unidas no kordenador humanitaria iha Timor-Leste, Inundasaun iha Timor-Leste -Relatóriu Situasaun Nu. 10 (iha 18 Juñu 2021) Rezidencia Nasoens Unidas no kordenador humanitaria iha Timor-Leste, Inundasaun iha Timor-Leste -Relatóriu Situasaun Nu. 8 (iha 6 Maiu 2021).

uma mahon no ema LBGTQI sira, enjerál la simu pagamentu umakain ne'e.<sup>11</sup>

Tuir fali susesu husi pagamentu umakain nian ne'e, iha Setembru 2020, governu anunsia programa Sesta Bázika. Programa foun ne'e fó ai-han ho folin \$25 ka seña ba kada Timoroan ba fulan rua. Ida ne'e mudansa ida husi pagamentu ba umakain ne'ebé ho tarjetu ba umakain no la ajusta bazeia ba medida umakain nian. Enkuantu programa Sesta Bazika ne'e fó sai iha Setembru, distribuisaun pakote ai-han/ seña seidak hahú to'o besik fulan Dezembru 2020 no la inklui to'o final husi fulan Maiu 2021

Programa apoiu sira seluk antes inklui subsidiu ba elstrisidade ho \$15 ba kada fulan durante fulan rua, subsidiu saláriu 60%, suspensaun temporária ba kontribuisaun ba empregadu sira ba pagamentu seguransa sosiál nian, no pagamentu mensál \$36 ba kada au-empregadu no traballador informál sira ne'ebé rejista ba Seguransa Sosiál.

### MEDIDA ORSAMENTÁL SIRA

Iha 6 Abril 2020, Prezidente aprova dekretu parlamentar ida ne'ebé estabese fundu no autoriza osan milliaun \$150 USD ba COVID-19 husi Fundu Petrolifera. Dekretu lei ida ne'e hetan amandamentu iha 30 Juñu 2020 ho aumenta orsamentu to'o milliaun \$220.<sup>12</sup> Fundu ida ne'e intende atu uza hodi kobre despeza sira inklui sosa medikamentu no ekipamentu medikal sira no mós fornimentu, no hanesan apoiu ida ba instalasaun no manutensaun iha facilidade izolamentu no karantina, kapasitasaun no operasionalizaun

Ba profesional sira ne'ebé involve iha esfórsu prevensaun no luta kontra COVID-19, no protesau social ba ema infetadu sira. Fundus COVID-19 ne'e administra husi governu no operasionadu husi konsellu administrasaun, ne'ebé konsiste husi membru governu iha area sira hanesan finansa, saúde no relasaun exterior. Iha mos a disional osan ho montante millaun \$100 ne'ebé aloka ba iha



departamentu finansa iha tempu hanesan hodi garante funcionamentu administrasaun publiku no minimu garante protesau social, hanesan pagamentu ba pensaun no subsidiu sira, mak bae is kombatentes libertasaun nasional, idozus sira, no beneficiariu sira ba programa Bolsa da Mãe.<sup>13</sup>

Orsamentu 2020 foin mak aprova iha 19 Outubru 2020, maibé apropria ona millaun \$322 ba rekuperasaun COVID-19 nian no millaun \$109 ba Sesta Bázika iha Novembru no Dezembru 2020.<sup>14</sup>

Iha 23 Abríl, Parlamentu Nasionál aprova revizaun ba Orsamentu Jerál Estadu 2021 atu responde ba impaktu husi COVID-19 no bee-sa'e, ne'ebé Presidente tuir mai promulga iha 4 Maiu. Alokasaun ba Fundu COVID-19 aumenta husi millaun USD 31 ba millaun USD 287.6, enkuantu alokasaun Fundu Kontinjénsia aumenta husi millaun USD 23.8 ba millaun USD 65.2. Mudansa sira ne'e sei possibilita GoTL atu aloka millaun USD \$34.5 ba kompra vasina COVID-19 sufisiente atu imuniza populasaun tomak, kompra materiál protetiva pesoál no ekipamentu no materiál ba ezaminaun no tratamentu ba paciente COVID-19 ne'ebé baixa, konstrusaun no aluga sala izolamentu no kuarantena no melloramenta fatin izolamentu iha territóriu laran tomak. Ne'e mos sei fasilita GoTL atu financia medida sócio-ekonómika sira inklui apoiu empregu, subsidiu kréditu, kustu rejistu ba estudante nivel edukasaun aas liu,

<sup>11</sup> Fundasaun Azia (2020), *transferensia pagamentu Uma Kain no nia inisiu impaktu no efeitu sira ba no dinamika jeneru*.

<sup>12</sup> Grupu Banku Mundial. 2020. *Relatóriu kona-ba Timor-Leste nia Ekonomia*, Outubru 2020.

<sup>13</sup> Presidente Republika (2020), *Komunikadu Imprensa P Prezidente Republika promulga retirasaun osan extreaordinariu miillaun Dollar Amerikanu husi fundu petroliferu*, 7 April 2020.

<sup>14</sup> <https://www.laohamutuk.org/Justice/2020/20Emergency.html>





subsidiáriu ba internet ba estudante nivel aas liu, kompra produktu ai-han husi produtór lokál sira, subsidiáriu ba eletrisidade, finansia servisu Sentru Integradu Jestaun Krize, suplementu salariál ba pesoál liña frente sira no estensaun programa Sesta Bázika.<sup>15</sup>

Atu responde ba bee-sa'e 4 Abril 2021 nian, iha 1 Juñu 2021 GoTL, hamutuk ho parseiru umanitáriu sira, lansa Apelu Konjuntu atu responde ba nesesidade umanitáriu reziduál sira ba ema afetadu vulneravel sira no tulun ho esfórsu rekuperasaun-sedu iha Timor-Leste.<sup>16</sup>

## VASINASAUN NO EZAMINASAUN

Timor-Leste hahuu nia vasinasaun COVID-19 iha 7 April 2021 no iha Jullu 3 2021, total 238,909 doze vasina husi 212,751 doze primeiru (28,2%) no 26,158 doze daruak (3.5%) administra ona, predominante iha Dili.<sup>17</sup> Ho total 295,800 doze ne'ebé iha liu husi fasilidade COVAX no doasaun vasina husi Governu Australia no Xineza, GoTL espera ida ne'e bele kobre hotu 70% husi populasaun sira iha Dili no 34% husi populasaun iha nasaun tomak, pelumenus doze ida.<sup>18</sup>

<sup>15</sup> GoTL (2021). Presidente Republika Promulga amandamentu Orsamentu Estadu, 4 Maiu 2021. <http://timor-leste.gov.tl/?p=27960&lang=en&n=>

<sup>16</sup> GoTL no Rezidencia Nasoens Unidas no Koordinator Humanitaria ba Timor-Leste (2021), Komunikaadu Imprensa: Governu Timor-Leste ho nia parseiru sira husu osan ho montante millaun \$32 hodi tulun vitima inundasau sira no rekupera lalais, 1 Juñu 2021.

<sup>17</sup> OMS Relatóriu Situasaun 105 Timor-Leste, 23 Juñu 2021


<sup>18</sup> <https://covid19.gov.tl/en/dashboard/>

# REZULTADU

## PREOKUPASAUN BOOT LIU

Ba ronda lima dahuluk, respondente sira nia vizaun aumenta katak Timor-Leste la'o hela iha dresaun loos, sa'e husi ki'ik 40% (Maiu 2020) to'o aas 78% (Fevereiru 2021). Maibé, ida ne'e monu maka'as iha ronda finál (Maiu 2021), wainhira menus husi metade (48%) husi respondente sira monu ho maneira ne'e. Ba ronda levantamentu 5 husi 6 ema ne'ebé hela iha Dili iha liu tendénsia atu sente katak Timor-Leste la'o hela iha dresaun loos kompara ho sira ne'ebé la hela iha Dili. Dezekilibriu ida ne'e mosu barak liu iha Maiu 2021 wainhira populasaun sira hela iha Dili (68%) hanoin katak Timor-Leste la'o ba dresaun ne'ebé loos, duké sira ne'ebé la hela iha Dili (41%).


## JERALMENTE KO'ALIA, TUIR ITA-BOOT NIA HANOIN TIMOR-LESTE LA'O HELA IHA...




Iha ronda levantamentu hotuhotu COVID-19 (inklui nia impaktu ba saúde) nafatin sai dezafiu persebidu boot liu ne'ebé Timor-Leste hasoru husi ki'ik 53% (Jullu 2020) to'o aas 87% (Fevereiru & Maiu 2021), iha liu tendénsia atu bele esplika tuir tempu wainhira kazu COVID-19 aumenta no akontese ona transmisaun lokál. Só minoria populasaun mak konsidera ekonomia fraku sai hanesan preokupasaun boot liu, husi 6% (Fevereiru no Maiu 2021) to aas 17% (Jullu no Dezembru 2020). Atu hanesan, so minoria ida mak konsidera problema política mak sai dezafiu boot liu, husi aas 17% (Jullu 2020) ba ki'ik 4% (Fevereiru 2021). Diferensa sira kona-ba problema política iha ronda levantamentu tomak bele korresponde ho promulgasaun orsamentu 2020 ne'ebé tarde tebtebes (Outubru 2020) tanba impase política, no oráriu promulgasaun orsamentu 2021 iha Dezembru 2020.

Husu mós ba respondente sira atu temi dezafiu boot liu tolu, ba sira nu'udar individu no ba sira nia komunidadade. Dala ida tan, COVID-19 mós sai preokupasaun boot liu ba individu no komunidadade, husi 75% (Jullu 2020) ba 92% (Maiu 2021) ba individu; no husi 64% (Setembru 2020) ba 85% (Fevereiru no Maiu 2021). Preokupa kona-ba COVID-19 nafatin aas liu iha Dili duké fora husi Dili.

### DEZAFIU ÚNIKU BOOT LIU NE'EBÉ TIMOR-LESTE HASORU DAUDAUN:




Enjerál, ekonomia fraka mak preokupasaun boot liu daruak ba individu sira no komunidadade, entre 61-75% ba individu sira, no 62-77% ba komunidadade. Ba komunidadade, preokupasaun kona-ba falta servisu hetan aas 42% husi Maiu 2021, kompara ho ki'ik 12% iha Maiu 2020. Ba individu sira, presokupasaun kona-ba falta servisu ne'e aas ho 34% iha Maiu 2021, kompara ho ki'ik ho 13% iha Maiu 2020.



## IMPAKTU SOSIAL NO EKONOMIKU

Husu ba respondente sira atu identifika oinsá COVID-19 fó ona impaktu ba sira pesoalmente iha sira nia aspetu moris tomak—se sira hetan ona impaktu pozitivamente, negativamente, ka la afetadu buat ida. Entre 35-53% husi respondente sira dehan sira hetan ona impaktu negativamente husi COVID-19 iha kada aspetu, enkuantu entre 24-40% sente katak kada aspetu iha impaktu pozitivu ida

Husi Maiu 2021, valór balansu líkidu sira (sentimentu pozitivu menus sentimentu negativu) ba aspetu hotuhotu ne'e dokumenta ki'ik liu iha ronda levantamentu hotuhotu antes, esepu ba rendimentu umakain. Ida ne'e kontraste ho padraun ne'ebé observadu iha ronda levantamentu sira antes, ne'ebé respondente sira iha tendénsia aatu relata enjerál impaktu pozitivu liu husi COVID-19. Impaktu pozitivu ida de'it iha Maiu 2021 mak ba respondente sira nia sensu atu apoiu (5%), ne'ebé ki'ik liu duké iha ronda sira antes. Impaktu sira ba servisu (-29%) no rendimentu umakain (-21%) iha valór líkidu ki'ik liu, ki'ik liu fali duké iha Fevereiru 2021 no Dezembru 2020, maibé besik liu ba liña ho Setembru 2020 nian.




Iha ronda 4 (Dezemburu 2020) no 5 (Fevereiru 2021) husu ba respondente sira kona-ba aspeitu finanseiru husi sira nia moris. Maioria respondente indika katak aspeitu finanseiru husi sira nia moris ne'e hanesan ka di'ak liu fali molok pandemia ne'e. Melloramentu boot liu kompara ho antes pandemia ne'e liga ho sira nia familia nia abilidade atu hetan servisu besik ho sira nia hela fatin. Iha Dezemburu ida ne'e fornese valór pozitivu 38% (kompara ho 30% iha Fevereiru). Iha kontraste, impaktu pozitivu ki'ik liu mak liga ho empresta osan wainhira sira presiza (valór pozitivu líkidu ho 15%). Valór pozitivu líkidu ba aspeitu sira ne'e hotu tun ba 2-8% entre Dezemburu 2020 no Fevereiru 2021.

Ba sira ne'ebé empregadu, maioria husi respondente iha ronda 2-6 relata katak sira nia patraun hamenus ona sira nia oras husi ki'ik ho 81% (Setembru 2020) baa as ho 94% (Fevereiru 2021). Uitoan liu mak relata katak husu ona ba sira atu foti lisensa pagu (8-25%), lisensa sen pagu (0-13%), husu atu servisu maibé hamenus pagamentu (5-13%), sai kazuál/wainhira presiza ka on-call (1-5%), ka hapara kontratu (1-4%).

Pergunta sira ne'e husu iha ronda 1 to'o 3, no dala ida tan iha ronda 6 kona-ba estensaun ba ida ne'ebé mak merkadu lokál ne'e loke ka taka. Merkadu sira loke 'hotu' ka 'maioria' iha tempu wainhira aumenta entre Maiu (23%) ho Setembru 2020 (61%), no ida ne'e kontinua razoavelmente uitoan wainhira koko iha Maiu 2021 (57%). Korrespondentemente, proporsaun husi respondente sira ne'ebé dehan katak merkadu sira taka tomak ne'e aas liu iha Maiu 2020 (14%), monu iha Jullu no Setembru 2020 (3-4%), no maizoumenus aumenta fali iha Maiu 2021 (9%). Baibain liu ba merkadu sira atu loke hotu ka maiorida loke iha Dili (73-74%) kompara ho fora husi Dili (52-56%) iha Setembru 2020 no Maiu 2021.

### MERKADU LOKÁL LOKE



### MERKADU LOKÁL TAKA



Tanba preokupasaun balu katak pagamentu umakain hasa'e presu sasán báziku sira hanesan foos no mina te'in, iha ronda levantamentu 3 to'o 5, husu ba respondente se folin sa'e, tun, ka hanesan de'it. Iha Ronda 5 (Fevereiru 2021) aas liu fali proporsaun baibain husi respondente sira mak indika katak folin sasán báziku sira sa'e iha fulan kotuk, ho 54% kompara ho 31% iha Setembru no 24% iha Dezemburu.

Iha Maiu 2021, kuaze treskuartu (74%) husi respondente sira mak indika katak sira forsadu atu la han ka hamenus han pelumenus dala ida iha fulan kotuk tanba la iha osan.

Iha Maiu 2021 ronda levantamentu iha diferensia signifkante entre sira ne'ebé mak informa asuntu ne'e iha Dili (87%) no fora husi Dili (69%), reverte deskoberta sira iha ronda ikus iha ne'ebé komun liu fora husi Dili.

Naturalmente, proporsaun ida ne'e sa'e iha kada ronda levantamentu nian dezde Setembru 2020 (53%); maibé hanesan ho proporsaun ne'ebé observa iha Maiu 2020 (76%). Proporsaun hanesan (75%) dehan katak ema seluk iha umakain mos la han ka hamenus han iha tempu ne'ebá tanba la iha osan, sa'e husi 62% iha Fevereiru 2021.

### IHA LORON 30 IKUS NE'E, ITA-BOOT PRESIJA KESI KABUN TANBA LAIHA OSAN ATU SOSA HAHAN?




Dezde hahú EE iha Marsu 2020, 20% husi respondente sira simu osan husi kolega ka família iha raili'ur. Sira ne'ebé hela iha Dili (33%, kompara ho 15% husi sira ne'ebé fora husi Dili), respondente sira ne'ebé joven liu ho otas 17-24 (25%, kompara ho 15-22% husi grupu otas boot liu) no feto (25%, kompara ho 14% husi mane) mak iha liu tendénsia atu simu osan. Maioria (93%) husi sira ne'ebé simu ona osan simu ona menus husi USD 1,000. Osan ne'ebé simu husi kolega ka família iha raili'ur uza barak liu ba hahán no nesiedade moris bázika (87%), harii no hadi'a uma (40%) ka gasta ba edukasaun (30%).

### MEDIDA PREVENSAUN SIRA NO HAHALOK KUIDADU SAÚDE

Proporsaun husi hahalok prevensaun COVID-19 relata husi respondente sira ho hala'o tuir 'tebtebes' iha semana antes mak aas liu ba hahalok xave tolu iha ronda levantamentu iha Maiu 2020, hafoin tun neneik ba ki'ik iha Dezembru 2020 ba uza mascara wainhira sai no fase liman; no tun ba ki'ik iha Feveiru 2020 ba mantén distánsia pelumenu metru 1.5. Hafoin hahalok hotuhotu sa'e fali, maibé iha Maiu 2021 la to'o nivel ne'ebé tinan ida antes.


### ITA-BOOT UZA ONA OSAN SIRA NE'E BA SAIDA DE'IT?




Iha Maiu 2021, besik respondente nen-iha-sanulu mak uza 'tebtebes' máskara (66%) no fase sira nia liman hafoin halo kontaktu (61%), enkuantu besik metade mantén distánsia metru 1.5 husi ema seluk (48%). Iha Maiu 2021, sira ne'ebé hela iha Dili mak iha liu tendénsia atu uza máskara 'tebtebes' (74%, kompara ho 64% husi sira ne'ebé fora husi Dili), maibé menus tendénsia atu mantén ona distánsia pelumenu metru 1.5 ho ema seluk (35%, kompara 52%).

Iha Feveiru 2021, pergunta hahalok prevensaun adisionál aumenta ba levantamentu ne'e. Wainhira iha Maiu 2021, 54% dehan sira 'tebtebes' la tuir sorumutu sosiál sira, 55% evita fatin públiku sira, no 57% servisu husi uma. Iha rua ne'e hotu Feveiru no Maiu 2021 ronda levantamentu nian, baibain liu iha Dili duké fora husi Dili atu evita halibur malu (61-63% Dili, 47-51% fora husi Dili) no evita fatin públiku sira (Dili 57-63%, fora husi Dili 38-57%).

## HAHALOK SEGURU KONTRA COVID-19 (APLIKA BEIBEIK) IHA SEMANA LIU BA



## SE ITA-BOOT IHA SINTOMA, ITA-BOOT SEI:



Iha ronda levantamentu hotuhotu, maioria respondente (93-99%) relata sira sei ba ospital ka sentru saude, informa ema ne'ebé besik sira (79-97%), no hela iha uma de'it (77-87%) se sira iha sintomas moras. Pergunta adisionál rua aumenta iha Setembru 2020. Ba ronda levantamentu haat finál ne'ebé respondente barak liu indika katak sira sei hemu aimoruk tradisionál (63-87%) se sira iha sintomas moras. Bele nota, 80-88% husi respondente dehan sira sei hala'o hanesan baibain wainhira moras.

## VASINASAUN

Iha ronda levantamentu 5 (Fevereiro 2021) no 6 (Maiu 2021) fó pergunta foun sira atu alista sensibilizasaun, no attitude, ba vasinasaun COVID-19. Ronda levantamentu ba future sei alista simu vasinasaun. Programa vasinasaun COVID-19 hahú iha 7 Abril 2021, iha entre ronda levantamentu rua.

Maioria respondente mak hatene katak vasina kontra COVID-19 agora iha ona, rising from Fevereiro 2021 (78%) to Maiu 2021 (89%). Inicialmente, iha Fevereiro 2021, iha konsiénsia kona-ba vasina iha Dili (86%) duké fora husi Dili (75%); maibé ida ne'e sa'e ona iha Maiu 2021. Konsellu Ministrus aprova Planu Vasinasaun kontra COVID-19 iha 8 Marsu no iha Maiu 2021 ronda levantamentu, respondente barak liu (90%) mak hatene katak vasina aprova ona atu uza iha Timor-Leste. Maibé, respondente sira iha menus tendénsia atu hatene kona-ba vasina ne'ebé sei disponivel ba sira pesoalmente (72%). Iha Maiu 2021, koñesimentu kona-ba vasina ne'e rasik hanesan ba grupu demográfiku hotuhotu, maibé koñesimentu kona-ba wainhira nia disponivel ba sira pesoalmente e'e aas liu ba sira ne'ebé hela iha Dili (78%, kompara ho 70% husi sira ne'ebé fora husi Dili). Sira ne'ebé rona ona vaisa ne'e iha liu tendénsia atu rona ona kona-ba ne'e liuhusi TV ka rádio (57-58%), governu nia website (14-18%), ka média sosiál (7-12%). Interessantemente, populasaun Dili (48%) mak menus hodi rona informasaun sira ne'e husi Televisaun ka radio, duké iha munisipiu sira (61%).


**FRAZE IDA NE'EBÉ MAK BELE  
DESKREVE DI'AK LIU ITA-BOOT NIA  
SENTIMENTU KONA BA VASINA COVID?**



Iha Feveiru 2021, husi respondente 78% ne'ebé hatene kona-ba vasina, 91% dehan sira sei hakarak atu simu vasinasaun wainhira GOTL aprova ona. Iha Maiu 2021, wainhira vasina aprova ona, 43% husi respondente indika sira sei koko atu hetan vasina sedu liu tan. So 9% mak relata sira la hanoin atu simu vasina. Sira ho otas 45 ka liu (47%) iha tendénsia liu uitoan atu hetan vasina sedu liu, enkuantu sira ho otas 35-44 mak iha tendénsia menus liu (37%).

Maibé, iha Maiu 2021, sei iha preokupasaun kona-ba seguransa vaisa, ho menus husi metade respondnete hein katak vasina ne'e seguru atu simu (37% 'tebtebes' ka 'barak natón') no sei prova katak seguru ba tempu naruk (41%).

**ITA-BOOT HEIN HUSI VASINA IDA NE'E ATU:**



**FIAR BA GOVERNUN**

Fiar ba GoTL atu tau-matan ba ninia sidadaun durante COVID-19 mosu husi Maiu 2020 (49%) ba ninia pontu aas liu iha Setembru 2020 (82%) no hafoin tun ba nia tasa ki'ik liu iha ronda levantamentu hotuhotu iha Maiu 2021 (34%). Lafiar ba governu mós aas liu dokumentu iha Maiu 2021 (55%), no ki'ik liu iha Setembru 2020 (9%).


Maski nivel sa'e iha fiar ba GoTL atu tau-matan ba ninia sidadaun sira iha ronda levantamentu nen, kuaze metade husi respondente sira konsistentemente hanoin governu nia resposta ba surtu COVID-19 mantén apropiada, husi 48% (Dezembru 2020) to'o 59% (Setembru 2020 no Feveiru 2021). Proporsaun respondente ne'ebé hanoin katak governu nia reasaun la suficiente sa'e entre 11-20% iha períodu nia laran, no respondente sira ne'ebé hanoin katak reasaun demais liu entre 21-32%. Iha Maiu 2021 ba dalauluk, respondente joven liu ho otas 17-24 mak iha liu tendénsia atu konsidera governu nia reasaun sai apropiadu (60%, kompara ho 51-54% ba grupu otas boot liu).

**OINSÁ HO ITA-BOOT NIA HANAIN  
KONA BA REASAUN GOVERNUNIAN  
RELASIONA HO COVID-19**






### DURANTE TEMPU IDA NE'E, SAIDA MAK GOVERNU HALO LIU TAN ATU TULUN SIDADAUN SIRA? (BELE HATAN LIU IDA)




### FIAR BA GOTL ATU TAU MATAN BA NIA SIDADAUN SIRA DURANTE COVID-19




Iha ronda hotuhotu, husu ba respondente sira saida mak governu bele halo atu tulun nia sidaddaun sira, permite resposta oioin. Opsaun ida mak atu hapara Estadu Emerjénsia (EE), deklarada dahuluk iha 28 Marsu 2020. Ho intervalu ida (27 Juñu-5 Agostu 2020) EE renova ona ona no kontinua to'or loron ohin. Númeru boot liu husi respondente sira ne'ebé hanoin katak GoTL tenki hapara EE mak iha ronda dahuluk iha Maiu 2020 (57%). Ba ronda haat tuir mai, ida ne'e monu ba 26-37%, sa'e fali ba 44% iha ronda finál iha Maiu 2021. Iha ronda finál ne'e, opsaun foun rua identifika husi respondente sira nu'udar rezultadu husi mudansa ba governu nia polítika sira; 47% husi respondente sira hanoin katak governu tenke hapara serka sanitária no 33% dehan governu tenke hapara konfinamentu obligatóriu. Prioridade sira seluk mak governu nia apoiu ne'ebé identifika husi respondente sira inklui fó liu tan informasaun kona-ba oinsá atu asesu ba governu nia programa apoiu sira, informasaun liu tan kona-ba prevensaun COVID, no osan tan ba umakain sira, hanesan hatudu iha kraik ne'e.

Fornese informasaun kona ba oinsá bele asesu ba programa apoiu governu nian iha 42% husi respondente iha Jullu 2020 hafoin inisiu husi pagamentu ba Uma Kain sira, no iha fulan tuir mai

## SATISFASAUN HO SESTA BÁZIKA / VOUCHER



## SATISFASAUN HO PAGAMENTU BA UMAKAIN



entre 25-36%. Partikularmente, iha Maiu 2020 mak prioridade aas liu ba ema sira ne'ebé iha Dili simu liu informasaun kona ba oinsá atu asesu ba Governu nia programa apoiu sira (56% kompara to'o 21% for a husi Dili); kompara ho prioridade a'as liu fora husi Dili ba terminasaun serka sanitária (55% kompara ho 26% iha Dili).

Iha loron 09 Marsu 2021, governu implementa serka sanitária iha Dili; no dezde ne'e implementa ona iha munisípiu sia nu'udar dalan ida atu responde COVID-19. Pergunta ida kona-ba asaun ida ne'e husi iha levantamentu Maiu 2021, ho maioria (67%) husi respondente sira indika katak 'konkorda tebtebes' ka 'maizoumenus konkorda' ho resposta ida ne'e. Sira ne'ebé hela iha Dili (78%) no respondente sira ho otas entre 25 ho 44 (72%) mak iha liu tendénsia atu hakarak apoia utilizasaun serka sanitária.

Iha ronda levantamentu Dezembru 2020 no mós Feveiru 2021, husu ba respondente sira se governu tenke kontinua atu bandu ema atu mai Timor-Leste husi nasaun sira seluk no presiza kurantena obrigatória ba ema ne'ebé tama mai railaran. Iha oportunidade rua ne'e hotu, iha nivel aas ba apoiu ba asaun ida ne'e sa'e husi 87% ba 92% iha levantamentu rua ne'e, hoi da ne'e proporsaun aas konsistente uitoan iha fatin, jéneru no grupu otas (entre 83-95% ba grupu hotuhotu).

## UZU NO SATISFASAUN HO GOVERNUNIA PROGRAMA/GOVERNUNIA APOIU

Distribuisaun pagamentu ba umakain, hala'o ho forma pagamentu dala ida ba umakain ho \$US 200. Distribuisaun hahú iha 9 Juñu 2020, molok atu ba levantamentu daruak. Iha tempu levantamentu dalima (Feveiru 2021) 98% husi umakain sira simu ona pagamentu.

Iha tempu levantamentu datoluk (Setembru 2020) governu konsidera distribui pakote ai-han no voucher/seña nu'udar alternative positiva ba pagamentu osan. Iha pontu ida ne'e kuaze doestersu husi respondente sira indika katak sira sei satisfeitu ho sira nia opsaun. Iha tempu levantamentu dahaat (Dezembru 2020) besik untersu de'it (31%) husi respondente sira mak satisfeitu hanesan ho kualkér opsaun, 22% prefere pagamentu osan ba umakain, no respondente barak liu prefere pagamentu osan \$25 (42%) liuhusi voucher/seña (4%) ka pakote ai-han (0%). Iha Feveiru 2021 dala ida tan 31% indika katak sira kontente ho kualkér opsaun, 39% prefere pagaamentu osan ba umakain, 9% prefere pakote ai-han, 7% prefere \$25 osan alein husi voucher/seña, no 4% de'it mak prefere voucher/seña ai-han.

Liu uitoan untersu (36%) simu ona pakote ai-han/voucher/seña iha tempu levantamentu Dezembru 2020, ho figura aumenta ba 75% iha tempu levantamentu Maiu 2021. Ida ne'e ki'ik liu ba sira ne'ebé ho otas tinan 25–34 (70%), no aas liu ba 35–44 (85%). Pursentu ualunulu resin rua husi respondente sira ne'ebé hela iha dili mak simu ona voucher/seña no pakote ai-han, kompara ho 73% fora husi Dili.

Iha Feveiru 2021, husu ba respondente sira atu klasifika sira nia nivel satisfasaun ho pagamentu umakain nian no pakote/voucher/seña ai-han. Maioria (88%) husi sira ne'ebé simu ona pagamentu umakain nian sente katak 'di'ak' ka 'di'ak tebtebes', atu hanesan ho Dezembru 2020. Satisfasaun ne'e aas liu ba sira ne'ebé hela iha Dili (96%, kompara ho 83% husi sira ne'ebé la hela iha Dili). Satisfasaun hopakote/voucher/seña ai-han ne'e sa'e ba 82% husi 66% iha Dezembru, no proporsaun husi sira ne'ebé simu ona ne'ebé hanoin katak ne'e 'la di'ak' ka 'aat loos' tun husi 20% ba 5% de'it iha Feveiru 2021.

Satisfasaun ho pakote/voucher/seña ai-han ne'e mós aas liu uitoan ba sira ne'ebé hela iha Dili (87%, kompara ho 80% husi sira ne'ebé la hela iha Dili).

Entre Maiu no Setembru 2020 (ronda 1 to'o 3), husu pergunta sira kona-ba se ema ruma iha umakain simu kualkér apoiu seluk nu'udar parte husi governu nia programa pakote/insentivu/rekuperasaun sósial-ekonómika, no sira nia nivel satisfasaun ho pagamentu sira. Iha tempu ne'e, kuaze treskuartu (74-79%) husi respondente sira mak indika katak sira nia umakain simu ona ka hein atu simu osan husi subsidiu eletrisidade, nu'udar parte husi governu nia programa apoiu (esklui respondente sira ne'ebé la bele uza ka ba sira ne'ebé subsidiu ne'e la aplika). Númeru ki'ik liu husi respondente sira mak simu ona ka hein hela ba subsidiu saláriu ba traballadór sira (sa'e husi 18% iha Maiu ba 41% iha Setembru), ka empréstimu negósiu ki'ik nian (17% Maiu, 38% Jullu, 31% Setembru).

Iha ronda 1 to'o 3, husu respondente sira atu klasifika kada subsidiu ne'ebé sira simu ona. Kuaze sia iha sanulu husi resepiante sira mak satisfaitu ho kada subsidiu. Satisfasaun ho subsidiu eletrisidade \$15 tun ona uitoan tuir tempu (husi 93% fó valór pozitivu iha Maiu 2020, tun ba 87% iha Setembru 2020), enkuantu satisfasaun ho subsidiu rua seluk mak iha sira nia nivel dokumentasaun aas liu iha Setembru 2020 (91% ba subsidiu salariál traballadór nian, 87% ba empréstimu mikronegósiu). Satisfasaun ho subsidiu sira ne'e enjerál marjinalmente aas liu iha Dili duké fatin seluk, ho diferença aas liu liga ho subsidiu eletrisidade. Iha Setembru 2020 95% valoriza ida ne'e pozitivamente iha Dili, 83% fora husi Dili.


Iha ronda 1-3, televizaun ka rádio nafatin sai fonte infomasaun komún liu kona-ba governu nia apoiu, maski ninia prevalénsia tun tuir tempu (60% hetan informasaun kona-ba governu nia apoiu ho dalan ida ne'e iha Setembru 2020, tun husi 72% iha Jullu no 78% iha Maiu). Improtánsia husi xefe komunitáriu sira nu'udar fonte informasaun korrespondentemente sa'e (16% iha Setembru 2020, sa'e husi 5% iha Maiu no Jullu), hanesan ho governu nia website (13% iha Setembru 2020, sa'e husi 7% iha Jullu no 5% iha Maiu). Rezidente Dili mak iha

liu tendénsia duké ema fora husi Dili atu hetan sira nia informasaun husi TV ka rádio (68%, kompara ho 54%) ka governu nia website (18%, kompara ho 10%), maibé tendénsia menus atu depende ba xefe komunitáriu sira (6%, kompara ho 22%). Respondente ho otas 35 mai kraik iha liu tendénsia atu hetan informasaun online husi governu nia website (16-20%, kompara ho 9% husi sira ne'ebé otas boot liu). Informasaun kona-ba apoiu ne'ebé simu liga ho bee-sa'e iha Páskoa 2021 ne'e kobre iha Seksaun 4.10 iha kraik.


## PROTESAUN NO SEGURANSA

Husi Dezembru 2020, husu pergunta adisionál kona-ba problema protesaun no seguransa. Iha kada ronda levantamentu COVID-19 mak ameasa komún persebida liu ba seguransa iha respondente nia área lokál, atinji aas iha Maiu 2021 (91%), aumentu signifikante iha Fevreiro 2021 (77%) no Dezembru 2020 (70%). Atu varia grau ba ameasa persebida ba seguransa ba COVID-19 ne'e sempre boot liu ba respondente Dilioan duké fora husi Dili; no iha tendénsia atu sai boot liu ba grupu otas 17-24. Grupu Artes Marsiais, ne'ebé okupa ameasa komún liu daruak iha Dezembru 2020 (9%) atinji 11% iha Fevreiro 2021 maibé tun ona ba 4% iha Maiu 2021.

### DEZDE MARSU, SAIDA MAK SAI ONA AMEASA BOOT LIU BA SEGURANSA IHA ITA-BOOT NIA ÁREA?



**OINSÁ MAK ITA-BOOT DESKREVE SITUASAUN PROTESAUN NO SEGURANSA IHA ITA-BOOT NIA KOMUNIDADE LOKÁL KOMPARA HO MOLOK EE PRIMEIRU NO INÍSIU COVID IHA FULAN MARSU TINAN ULUK?**



Iha kada ronda levantamentou (Dezemburu 2020-Maiu 2021), respondente barak liu mak sente protesauun no seguransa ne'e mantén hanesan dezde hahú COVID-19 iha Marsu 2020 duké sai di'ak liu tan ka aat liu. Iha Dezemburu 2020, proporsauun ba sira ne'eb'e mak sente katak protesauun no seguransa mellora ona (32%) menus proporsauun sira ne'ebé hanoin katak sai aat liu (17%) fornese valór líkidu +15%. Valór líkidu ida ne'e mellora tebtebes iha Feveireiru 2021 (46-5=+41%), no tun ba ninia nivel kí'ik liu iha Maiu 2021 (16-15=+1%).

Respondente sira iha Dili sempre iha persepsauun pozitivu líkida kona-ba protesauun no seguransa iha sira nia comunidade. Dilioan sira mak pozitivu liu iha Feveireiru 2021 (+44%), hanesan ho ema fora husi Dili (+40%). Bele nota, wainhira Dilioan sira menus pozitivu iha Maiu 2021 (+22%), residente fora husi Dili menus pozitivu (-7%).

Maioria (63%) husi respondente sira iha ronda levantamentou tolu hotuhotu sente katak iha pelumenus kauza husi konfliktu ida iha sira nia área. Kauza komún ne'ebé persebe liu husi konfliktu ne'e iha Maiu 2021 mak abandonu<sup>19</sup> (15%, sa'e husi 3% iha Feveireiru 2021). Ida ne'e mak kauza komún liu ne'ebé persebe ba fetu (18%) no mós mane (12%). Maibé, iha Feveireiru 2021 (21%) no Dezemburu 2020 (29%) kauza konfliktu ne'ebé komún persebida liu mak asaltu fíziku rezulta kanek (kompára ho 9% iha Maiu 2021). Ida ne'e mós kauza komún persebida liu ba fetu no mós mane iha fulan rua ne'e.

### REZILENSIA PESOAL NO KOMUNIDADE

Iha ronda 1 to'o 3, husu ba respondente sira kona-ba reziliénsia pesoál no comunidade. Iha akordu jerál entre respondente sira katak ema Timor-Leste hotuhotu bele moris hamutuk iha dame nia laran (94-97% konkorda) no katak maioria ema iha sira nia aldeia ne' pronto atu tulun malu wainhira presiza (94-95% konkorda).

Iha aumentu husi 80% (Maiu 2020) ba 93% (Setembru 2020) iha akordu entre respondente sira ne'ebé rikusoin sira ne'e dalabarak koloka ba benefísiu ema hotu nian. Maibé, maioria substansiál ida mós konkorda katak iha sira nia aldeia, ema sei tulun malu se sira ne'e iha relasaun ran (83% iha Setembru 2020, tun husi 89% iha Jullu maibé sei boot liu 76% iha Maiu). Alein ne'e, iha Setembru 2020, 42% husi respondente sira konkorda katak ema iha sira nia aldeia la fiar malu, ho 51% la konkorda. Proporsauun sira ne'e marjinalmente pozitivu liu duké iha Jullu maibé nafatin menus pozitivu duké iha Maiu (27% konkorda, 62% la konkorda).

Respondente sira indika katak pelumenus dalaruma ba kolega ka viziñu nia akonsellamentu (68-71%), hetan tulun husi kolega ka viziñu sira (52-66%), ka fó tulun ba kolega ka viziñu sira (58-69%). Enjerál, 58-74% husi respondente sira indika katak ema pelumenus dalaruma servisu hamutuk ba projetu sira iha sira nia aldeia. Iha Setembru 2020, medida 'kooperasaun' sira ne'e hotuhotu pozitivu iha grupu otas 35-44 (ho nivel media husi ho 80% indika katak sira hala'o pelumenus 'dalaruma') no menus pozitivu

<sup>19</sup> Abandonamentu iha Timor-Leste dala barak refere ba mane soe parseira/fen ka labarik sem fó suporta material, ida ne'e inklui kazu paternidade iha-ne'ebé fetu isin rua ida buka hela suporta materia husi ema ida ne'ebé halo promesa ona atu kaben ka hola nia; nune'e mos iha kazu agregasaun sexual rezulta isin rua iha-ne'ebé suspeitu rejeita atu selu/responsabiliza nesiedade ne'ebé presija.

Iha iha grupu otas 17-24 (tasa media ho 53%). No mós iha Setembru 2020, medida 'kooperasaun' media ne'e aas liu ba respondente sira ne'ebé simu pagamentu governu nian (75%) duké ba sira ne'ebé lae (46%).

Reziliénsia parese atu monu entre Maiu ho Setembru 2020, ho redusaun iha proporsaun husi respondente sira ne'ebé indika katak sira bele 'beibeik' di'ak fali hafoin moras ka tempu difisil (8% iha Setembru, tun husi 17% iha Maiu), no adapta atu muda (9% iha Setembru, tun husi 18% iha Maiu). Liu treskuartu mak dehan katak sira bele pelumenus di'ak fali (77% iha Setembru, aliña ho Jullu, maibé tun husi 85% iha Maiu), no 89% dehan katak sir abele pelumenus dalabalu adapta ho mudansa (sa'e husi 77% iha Jullu, maibé atu hanesan ho 90% iha Maiu).

Iha Setembru 2020, respondente sira iha vizaun pozitiva ('di'ak' ka 'dia'k tebtebes) kona-ba sira nia relasaun ho sira nia família (99%), viziñu (97%), no ema sira iha comunidade nia laran enjerál (90%). Tasa pozitiva husi tipu tolu hotuhotu husi realsaun mellora gradualmente ona dezede Maiu, liuliu comunidade nia relasaun (wainhira 80% valoriza ne'e pozitivamente). Iha ronda levantamentu tolu hotuhotu nia laran, la liu husi 1% husi respondente sira mak fó pontu ba kualkér tipu husi relasaun negativamente ('aat' ka 'aat loos').

### INFRAESTRUTURA NO SERVISU SIRA


Iha ronda 4 no 5, husu respondente sira pergunta kona-ba extensaun ba eskola ida ne'ebé mak loke no funsiona ho normál. Ida ne'e relata atu akontese 'beibeik' ka 'frekuentemente tebtebes' husi 83% iha Dezembru 2020, maibé ida ne'e tun ona ba 73% iha Feveireu 2021. Iha períodu hanesan, tun ne'e haree iha 'beibeik' ka 'frekuentemente tebtebes' iha asesu ba bee iha eskola (72-63%), profesór sira tama aula (81-72%), no opsaun atu simu hahán loroloron iha eskola ('merenda skolár') (51-39%). Iha períodu hanesan iha metade husi respondente sira ne'ebé mak hanoin katak seguru atu haruka sira nia oan ba eskola (60-29%); no aumentu iha sira ne'ebé dehan la seguru tanba COVID-19 (25-56%).

Iha Feveireu 2021, 57% husi respondente sira relata katak bomba bee iha sira nia estasaun bee 'beibeik' ka frekuentemente tebtebes funsiona ho di'ak. Iha Dezembru 2020/Feveireu 2021, respondente sira relata katak 'beibeik' ka 'frekuentemente tebtebes' sistema bee hadi'a wainhira aat (husi 57% tun ba 52%), Estrada entre sub-distritu sira iha kondisaun di'ak (husi 61% tun ba 56%), no sira bele asesu ba bis no mikrolet (husi 67% tun ba 54%).


### GOVERNANSA NO PARTISIPASAUN

Iha ronda 4 to'o 6, husu ba respondente sira oinsá di'ak GoTL halo servisu. Enjerál, persepsaun kona-ba GoTL ne'e pozitivu maibé menus pozitivu uitoan ona iha kada ronda levantamentu dezede Dezembru 2020. Pursentu nennulu sente governu halo servisu di'ak 'tebtebes' ka 'maizoumenus di'ak' hodi halo nia responsabilidade sira iha Maiu 2021, aliña ho 63% iha Feveireu 2021 maibé tun husi 75% iha Dezembru 2020. Pursentu sanulu resin ida mós sente katak governu hala'o servisu 'laduun' ka 'aat tebtebes' iha Maiu 2021, sa'e husi 2% iha Feveireu 2021 no 4% iha Dezembru 2020. Respondente sira ne'ebé mak hela iha Dili ho konsistentemente fiar katak GoTL dezempeña di'ak duké sira ne'ebé mak hela fora husi Dili, ho maior diskrepansia iha Maiu 2021 (73% iha Dili kompara ho 57% fora husi Dili).

### ENJERÁL OINSÁ ITA-BOOT SENTE KONA BA MANEIRA GOVERNUN TIMOR-LESTE HALA'O NINIA RESPONSABILIDADE SIRA?



**SAIDA MAK ITA-BOOT DEHAN KONA-BA NIVEL ATUÁL HUSI GOVERNUNIA KONSULTASAUN HO SIDADAUN SIRA ATU RESPONDE BA PROBLEMA IMPORTANTE SIRA NE'EBÉ NASAUN HASORU DAUDAUN?**



Hanesan mos persentajen respondente ne'ebé sente katak governu hala'o nia servisu 'di'ak naton' ka 'a'at los' sae iha Dezembru 2020 (4%) no febreiru 2021 (2%) to Maiu 2021 (11%).

Iha ronda levantamentu tolu hotuhotu, persepsaun kona-ba maneira governu hala'o nia responsabilidade sira ne'e pozitivu liu ba sira ne'ebé hela iha Dili, kompara ho sira ne'ebé la hela iha Dili, ho diskrepánsia boot liu iha Maiu 2021 (73% Dili, 57% fora husi Dili) no ki'ik liu iha Febreiru 2021 (66% Dili, 60% fora husi Dili).

Kuaze respondente hotuhotu iha Maiu 2021 (91%) konkorda Parlamentu Nasionál representa povu, maibé ida ne'e ki'ik liu uitoan duké 96% iha Febreiru 2021 no Dezembru 2020.

Iha drop iha número ema ne'ebé 'kontente' ka 'kontente tebbebes' ho nivel atuál husi governu nia konsultasaun ho sidadaun sira atu resolve problema importante sirane'ebé nasaun hasoru entre Dezembru 2020 (76%) ho Maiu 2021 (51%).

**BE'E-SAE NO SIKLONE**


Iha Domingu Páskoa, 4 Abril 2021, Timor-Leste hasoru nia bee-sa'e aat liu dezde tinan 40 resin nia laran, ho impaktu boot liu iha Dili. Ida ne'e akontese durante konfinamentu obrigatóriu atu responde ba COVID-19, signifkativamente komplika tentativa sira atu inklui virus ne'e. Maioria (60%) husi respondente sira indika katak uma ne'ebé baibain sira hela la afetadu husi siklone no/ka bee-sa'e, enkuantu haleu unkuartu (27%) indika katak sira nia uma afetadu 'uitoan.' Pursentu sia relata katak sira nia uma afetadu 'tebbebes' ka estragadu. Sira ne'ebé la hela iha Dili mak menus tendénsia atu la afetadu liu (66% 'lae liu', kompara ho 42% husi sira ne'ebé hela iha Dili).

Nasionalmente, kuaze respondente hotuhotu (96%) mak sei hela iha sira nia uma, enkuantu pursentu tolu hela iha membru família nia uma Maibe sira ne'ebe hela fora husi Dili barak liu (98%) duke iha Dili (88%), korespondemente sira ne'ebe hela ho familia aas liu iha Dili (10%) no fora husi Dili (1%).


Nasionalmente, 16% indika katak iha ona ema barak liu mak hela iha sira nia uma dezde siklone no bee-sa'e, no maioria kazu (95%) ema adisionál sira ne'e sei hela iha sira nia umakain. Hanesan espera, okorensia husi ema hela iha umakain aas liu iha Dili (24%) duke iha munisipiu sira (13%)

Nasionalmente, maioria (58%) husi respondente sira relata sira nia abilidade atu buka moris agrikultura mak afetadu 'lae liu' husi siklone no bee-sa'e, enkuantu kuaze untersu (32%) relata afetadu 'maizoumenus.' Pursentu sanulu afetadu 'barak' ka la bele hala'o atividade buka moris ho agrikultura iha momentu ne'e.


**UMA NE'EBÉ ITA-BOOT HELA BA AFETADU HUSI SIKLON NO/KA BEE-SA'E?**



### ITA-BOOT SIMU ONA ASISTÉNSIA RUMA DIRETAMENTE NU'UDAR REZULTADU HUSI SIKLON KA BEE-SA'E?



### OINSÁ HO NIVEL SATISFASAUN ITA-BOOT NIAN RELASIONA HO REASAUN HUSI GOVERNUN BA SIKLON NO BEE-SA'E?



Sira ne'ebé fora husi Dili iha tendénsia menus liu atu afetadu (64% 'lae liu', kompara ho 38% husi sira ne'ebé hela iha Dili). Respondente joven liu ho otas 17-24 mos iha tendénsia menus atu afetadu (72% 'lae liu', kompara ho 50-54% husi grupu otas boot liu).

Atu aserta liu tan oinsá ema nia atividade agrikultura ne'e afetadu ona Husu ba respondente sira se sira baibain sosa ka kuda mak barak liu ba ai-han umakain nian. Maioria husi respondente sira sosa mak barak liu ba sira nia ai-han umakain nian (58%), enkuantu pursentu hatnulu kuda/haki'ak mak barak liu ba ai-han. Porsentu neen nulu resin neen husi feto sosa hahan barak liu duké mane porsentu 51%. Entre sira ne'ebé baibain kuda ai-han, feto

koresponde porsentu 32% kompara ho mane ho porsentu 48%. Kuaze metade (54%) relata katak la dauk 'barak' ka estragadu totál husi bee-sa'e ka siklone ne'e. Porsentu sanulu resin hitu haktuir katak sira hetan afetadu 'barak' ka hetan estragu totál. Sira ne'ebé moris iha Dili iha menus tendénsia atu relata katak sira nia produdu to'os/natar afetadu ona (56%, kompara ho 29%), ne'ebé koresponde estragu aat liu iha Dili kompara ho munisipiu sira seluk.

Pursentu hatnulu resin rua husi sira ne'ebé afetadu husi siklon ka bee-sa'e simu forma asisténsia balu. Maioria enjerál, respondente hriak ne'e simu ona asisténsia husi governu (18%) ka NGOs (8%). Sira ne'ebé hela iha Dili iha liu tendénsia atu simu ona asisténsia (55%, kompara ho 36% husi sira ne'ebé la hela iha Dili), partikularmente governu nia asisténsia (32%, kompara ho 13%) no husi igreja (13%, kompara ho 0%). Respondente joven liu ho otas 17-24 mos iha liu tendénsia atu simu ona asisténsia (57%). Tendénsia atu simu asisténsia tun tuir otas, ba 32% entre sira ho otas 45 ka liu.

Maioria husi respondente sira (71%) satisfeito ho governu nia resposta/reasaun ba siklon no bee-sa'e. Satisfasaun ne'e aas liu ba sira ne'ebé hela iha Dili (81%, kompara ho 67%) no sira ho otas 25-34 (76%, kompara ho 67-72%).

### NOTISIA NO INFORMASAUN

Televizaun mak kanál ne'ebé uza liu ba media no entretenimentu iha ronda peskija hotuhotu, uza pelumenus dala balu kada semana, husi 73% (Dezemburu 2020) to'o aas 90% (Maiu 2021). Ida ne'e tuir kedas iha fatin daruak iha kada ronda husi média sosiál/ internet (54-74%), hafoin rádio (41-59%), jornál diáriu sira (22-40%). Televizaun mós sai fonte notísia no informasaun ne'ebé fiar liu iha ronda hotuhotu sa'e husi 76% iha Maiu 2020 ba 90% iha Maiu 2021.<sup>20</sup> Uza media sosial maizoumenus dalabalun de'it iha semana ida konsistente nafatin aas liu iha Dili (75-89%) duké fora husi Dili (47-62%). Wainhira husu kona-ba kanál televizaun ne'ebé respondente sira haree, RTTL (76-97%) no GMN (63-86%) mak to'o orasne'e kanál baibain haree. Iha

<sup>20</sup> Halo favor nota katak iha Ronda da-hat pergunta ida ne'e husu kona ba fontes notisia no informasaun ein jeral. Iha Ronda antes sira, Pergunta ida ne'e husu iha relasaun ba COVID-19 no informasaun sira seluk ho ketak-ketak.


Maiu 2021, respondente sira ne'ebé hela iha Dili mak iha liu tendénsia atu haree RTTL (90%, kompara ho 71% husi hirak ne'ebé hela iha Dili). Iha fulan ne'ebé hanesan, respondente sira ne'ebé joven liu ho otas 17-24 (90%) mós iha liu tendénsia atu haree GMNTV duké grupu otas boot liu, liuliu sira ho otas 45 ka liu (78%).

Husu mós ba respondente sira rádio saida mak sira rona. Entre Maiu 2020 (42%) no Feveiru 2021 (57%) RTTL mak estasaun rádio ne'ebé populár liu, maibé iha Maiu 2021 (32%) tun ba fatin datoluk.<sup>21</sup> Rádio comunidade sa'e husi ki'ik iha Maiu 2020 (12%) ba aas, no iha fatin dahuluk iha Maiu 2021 (41%). Rádio Maubere okupa fatin datoluk entre Maiu 2020 no Feveiru 2021, maibé tuir mai assume fali fatin daruak iha Maiu 2021 (40%), tuir kedas Rádio Komunitade husi kotuk.

Entre respondente 78-83% husi mak iha rasik telefone, no entre 77-90% uza sira nia telephone atu halo asesu ba internet no aplikasaun sira iha sira nia telephone. Aplikasaun populár liu mak Facebook (65-83%), tuir fali mak WhatsApp (21-42%), hafoin You Tube (14-32%).

Dezafiu prinsipál liu atu halo asesu ba informasaun mak fundu limitadu atu selu ligasaun (41-45%), tuir fali ho tempu limitadu atu dedika ba media no informasaun no/ka preokupa liu ho servisu (10-13%).

#### FORTE INFORMASAUN NE'EBÉ FIAR LIU BA COVID/NOTÍSIA JERÁL SIRA?



<sup>21</sup> RTTL experiensa interupsaun balun iha programasaun pos-inundasaun, maske la hatene ida ne'e influensia eskuta ba radiu nian iha Ronda ida ne'e.



# KOKLUZAUN NO MENSAJEN XAVE BA GoTL

Tanba GoTL nia mudansa asaun atu kombatasaun COVID-19 inklui deklarasaun Estadu Emerjénsia (EE) menus semana ida hafoin kazu dahuluk, iha 28 Marsu 2020, Timor-Leste evita ona situasaun aat liu husi pandemia COVID-19 inisialmente ho kazu uitoan de'it no la iha mate. Maski nune'e iha 30 Juñu 2021, kazu total aumenta to'o besik 9,222 no mate 22, kontinua konsentra ba fronteira, kuarantena, konfinamentu obrigatóriu no medida serka sanitária sira; hamutuk ho implementasaun vasinasaun signifika katak número husi kazu ativu sira (940) ne'e dala ida tan tun. Nota iha Timor-Leste nia vulnerabilidade pre-ezistente sira, GoTL hetan apresiasaun atu atua hodi mellora efeitu sósio-ekonómiku sira husi pandemia ne'e liuhusi medida orsamentál sira no variedade husi programa apoiu sira, inklui pagamentu ba umakain ne'ebé efektivu tebtebes. Importansia husi kontinuaasaun governu nia apoiu labele subestimadu, ho deskoberta levantamentu iha Maiu 2021, kuaze tres-kuartu (74%) husi respondente sira ne'ebé mak indikadu katak sira obriga hodi kesi kabun ka la han maizoumenus iha fulan ida dala ida tamba menus osan. Proporsaan ida ne'e sae kada rona levantamentu desde Setembru 2020 (53%) miabe hanesan mos ho proporsaan ne'ebé observa iha Maiu 2020 (76%).

Husi levantamentu ne'e klaru katak grau pozitivu iha inisu mantein kona ba resposta ba COVID-19 no moris la'o nafatin ho estadu emerjensia. Maibé, husi Maiu 2021 rezulta ema mate. Ida ne'e demonstra iha nivel nasional husi respondente sira ba Levantamentu lima dahuluk nian ne'ebé intrevista katak Timor-Leste la'o iha diresaun ne'ebé loos, tuir ida ne'e tun signifikante liu iha ronda final nian (Maiu 2021), wainhira menus husi metade ba respondente sira sente ho dalan ida ne'e. Ida ne'e la notavel la'os sira ne'ebé hela iha Dili no provavel pozitivu liu tan kona ba diresaun ne'ebé loos duké sira ne'ebé mak hela fora husi Dili, maibé ida ne'e husi Maiu 2021 no diferensia ida boot liu entre sira ne'ebé mak hela iha Dili (68%) no sira ne'ebé mak mak hela fora husi Dili (41%).

Hanesan mós, embora konfiansa ba GoTL hodi tau matan ba nia sidadaun durante COVID-19 sae lalais entre Maiu 2020 (82%), ikus mai nia nivel bai ha ronda levantamentu hotu-hotu iha Maiu 2021 (34%). Embora persepsaun sira hotu kona ba oinsá Governu Timor-Leste dezempeña nia funsaun nee hetan pozitivu iha kada ronda levantamentu desde Dezembru 2020. Maske restrisaun estadau emerjensia klaru halo frustradu no iha konsekuensia sosial no ekonomia, ida ne'e nota katak maizoumenus metade husi respondente ne'ebé ho konsistente valoriza resposta governu nian ba COVID-19 ho apropiadu.

COVID-19, inklui nia impaktu ba saúde, sempre identifikadu sai hanesan dezafiu boot liu ne'ebé hasoru iha Timor-Leste. Ho kazu COVID-19 ne'ebé aumenta ba beibeik no transmisaun komunidade halo numeru sa'e ba nafatin. COVID-19 mós kontinua sai hanesan ameasa ida ba seguransa husi respondente sira iha area lokal, no nia pontu aas liu mak iha Maiu 2021 (91%). Liu ona periodu fulan-rua (Dezembru 2020-Fevereiru 2021) ne'e reflata metade husi respondente ne'ebé hanoin ne'e seguru atu haruka oan ba eskola (60-29%); no aumenta tan mos ba número ida ne'ebé resposta katak la seguru tanba COVID-19 (25-56%).

Aleinde preokupasaun sira kona ba COVID-19, maneira aplikasaun medida preventiva mós sai dezafiu ida. Enkuantu iha inisiu Maiu 2020 numeru ne'e sa'e, maibé numeru ne'e depois monu to'o kiik liu iha Dezembru 2020. COVID-19 sai hanesan ameasa boot ida aumenta ba beibeik, tuir nafatin hahalok hodi bele proteje, maibé numeru sira ne'e la to'o nivel hanesan tinan kotuk nian. Enkuantu ema enkoraja makaas tebes no sa'e ba beibeik kona ba vasinasaun COVID-19; kontinua nafatin iha preokupasaun kona ba vasinasaun ne'e seguru duni ka lae.

Nivel satisfasaun ba governu nia asaun no programa apoiu sira nia numeru aas nafatin tuir respondente iha Dili sira duké iha munisipiu sira. Hamutuk ho diferenza prioridade balun husi respondente Dili sira no iha munisipiu sira, ezemplu hanesan preferensia husi populasaun sira atu asesu ba pontu fokal informasaunto kontinua atu ihamonitorizasaun ba impaktu husi pandemia liu husi maneira ida ne'ebé dezagregadu liu, atu halo kalibrajen ba programa apoiu no mós medida restrisaun

Atu responde ho kontinua ba pandemia ne'e ho efektivu, pontus importante sira inklui:

- ◇ Medida sira hanesan pagamentu osan Uma Kain no Cesta Bazika ne'ebé hetan apresia husi maioria populasaun. Apoiu semellante no kontinua ba Lockdown ne'ebé tui-tuir malu husi governu tenke tetu hodi halo balansu ba impaktu sosiu-ekonomiku no kuda nafatin konfiansa ba ema.<sup>22</sup>
- ◇ Garante katak medida politika sira ne'ebé foti hodi responde ba COVID-19 no nia impaktu sira serve ba ema sira ne'ebé mak hela iha Dili no fora husi Dili hanesan xave ba resposta efektivu no nivel satisfasaun ida ne'ebé aas.
- ◇ Mantein komunikasaun di'ak kona ba suporta ba programa nian ba nia efektividade. Suporta ba programa presija komunika ba iha publiku bainhira to'o tempu mai, ho instrusaun ne'ebé klaru ba se mak elejivel, iha ne'ebé no oinsá atu aplika, no nota mos maneira ne'ebé ema uza atu halo asesu ba informasaun iha Dili no munisipiu sira oioin.
- ◇ Hamutuk ho parseiru dezenvolvimentu sira no sosiu/asionista hotu-hotu, informasaun fatual konaba vasina COVID-19 no nesesidade seguransa nian tenke prepara bainhira to'o tempu mai ba iha enderesu pre-emptivu kona ba hirak ne'ebé lakohi simu vasina.

<sup>22</sup> *Ida ne'e importante katak Sistema administrative ba distribuissau ba osan ka pagamentu ruma, billeti ka Cesta bazika ne'e inkluzivu iha futuro, haree iha The Asia Foundation (2020), Transeferensia osan Uma-Kain nian (Pagamentu Uma-Kain) no nia inisiu impaktu Sosiu-ekonomiku no efeitu ba iha dinamika generu nian* <https://asiafoundation.org/publication/timor-leste-covid-19-household-cash-transfer/>

# ANEKSU SIRA

## ANEKSU A

# METODOLOJIA DETALLADU

### Oinsá dezenvolve kestionariu ne'e?

Fundasaun Ázia lidera dezenvolvimentu kestionáriu, ho ORIMA Research mak fornese asesoria apropiada. Pergunta sira ne'ebé dezeña husi peskija antes ne'ebé Fundasaun Ázia hala'o ona, no mos ORIMA Research nia levantamentu COVID-19 Recovery Tracker, entre sira ne'e mak levantamentu internasionál COVID-19. Levantamentu Feveireiru ne'e inklui seksaun foun sira kona-ba vasinasaun COVID-19 no mos pergunta komún barak husi ronda sira antes levantamentu ne'e. Fundasaun Ázia supervizona programasaun no tradusaun ba kestionáriu sira ne'e ba iha Open Data Kit (ODK), plataforma software levantamentu fonte-aberta ida.

### Oinsá mak dezenvolve kuadru amostra no oinsá ho ninia efetividade?

Kuadru amostra ba levantamentu ida ne'e dezeña husi levantamentu pasadu Tatoli no levantamentu Polisiamentu Komunitáriu ne'ebé Fundasaun Ázia hala'o oin ho oin. Halo limpeza ba amostra sira envolve hasai númeru sira ne'ebé mamuk /invalidu / númeru duplikadu (n=6,344).

Wainhira telefone númeru ida no se ema seluk mak responde, ema ida ne'e bele mos tuir levantamentu ne'e. enkuantu pasu balu halo atu levantamentu ida ne'e representativa liu tan, amostra husi projetu ne'e klasifikadu tuir naun-probabilidade.

### Oinsá hala'o entrevista telefónica sira?

	MAI 20	JUL 20	SET 20	DEZ 20	FEV 21	MAI 21
Lista amostra	2,307	1,192	534	681	442	414
Refusals	30	47	66	87	2	4
La koho	1,666	619	60	188	11	6
Dadus fiksiu finál	423	404	407	402	429	404
Númeru sira ne'ebé la funisona <sup>23</sup>	19.9%	32.6%	76.2%	59.0%	97.1%	97.6%
Traballu iha kampu hahuu	19 Maiu 20	18 Jul 20	21 Set 20	3 Dez 20	20 Fev 21	1 Mai 21

<sup>23</sup> Taxa resposta sira ne'e kalkula husi númeru iha levantamentu final ne'ebé remata husi kuadru amostra no divide husi númeru telefóni sira ne'ebé mak validu husi kuadru amostra nee.

	MAI 20	JUL 20	SET 20	DEZ 20	FEV 21	MAI 21
Traballu iha kampu remata	25 Maiu 20	27 Julju 20	2 Out 20	8 Dez 20	2 Mar 21	8 Maiu 21
Media husi durasaun entrevista <sup>24</sup>	47m25s	41m30s	43m23s	47m57s	42m12s	57m21s
Númeru intervistador	14	19	11	17	13	11

Atu hala'o servisu kampu, Fundasaun Ázia halo parseiru ho ONG baze iha Dili ho naran Institutu Mata Dalam (MDI). Maioria entrevistador sira servisu ona iha projetu sira ho Fundasaun Ázia, no barak mak agora servisu hela iha ronda oioin husi levantamentu ida ne'e. Staf husi Fundasaun Ázia halo kontaktu fali ba propozitu validasaun, la iha problema boot ruma. Monitorizasaun mos hala'o husi staf Fundasaun Ázia.

Kuaze levantamentu hotuhotu halo iha Tetum, ho balu mak hala'o iha Fataluku, Bahasa Indonesia ka Baikenu. Respondente sira simu pulsa \$2 atu partisipa iha peskija ne'e

**Pasu sira halo ona atu aseguara dadus ne'e representativa ba Timor-Leste nia populasaun?**

Peskija ne'e dezeña atu bele representativa liu tan ba adultu (17+) husi populasaun Timor-Leste nian nu'udar define ona husi Resenseamentu 2015. Konsiderasaun sira iha amostra inklui nesiedade atu posibilita komparasaun sira entre Dili ho munisipiu sira seluk, no mos sai prátika iha tempu ne'ebé relativamente badak no amostra limitadu.

Kuota minima sira (haree iha leten) estabelese atu aseguara jéneru apropiadu no kobertura jeográfika. Kuota ida, relasiona ho fetu sira fora husi Dili, mak nunka atinji. Alein ne'e, individu municipal sira fora husi Dili iha kuota minima ne'ebé proporsiona ba sira nia populasaun. Kuota minima presiza ba kada munisipiu mak 10. Munisipiu sira ho populasaun aas liu (hanesan Baucau no Ermera) iha kuota minima 25.

	POPULASAUN (N=662,285)	MAI 20 (N=423)	JUL 20 (N=404)	SET 20 (N=407)	DEZ 20 (N=402)	FEV 21 (N=429)	MAI 21 (N=404)
<b>TINAN</b>							
17-24	28%	14%	15%	11%	14%	8%	12%
25-44	41%	53%	58%	61%	53%	57%	50%
45-120	31%	33%	27%	28%	33%	35%	38%
<b>GÉNERU</b>							
Mane	50%	59%	62%	62%	63%	61%	64%
Fetu	50%	41%	38%	38%	37%	39%	36%
<b>FATIN</b>							
Dili	26%	30%	32%	31%	31%	30%	31%
Laos Dili	74%	70%	68%	69%	69%	70%	69%

<sup>24</sup> La inklui kazu 25/29/28/26/15 ne'ebé mak nia durasaun liu oras 4, possibilidade boot tamba la buti butaun "submeter" iha final.

	NÚMERU MINIMU	MAI 20	JUL 20	SET 20	DEZ 20	FEV 21	MAI 21
Mane iha Dili	38	70	78	80	73	72	70
Feto iha Dili	38	57	50	48	52	56	57
Mane laos iha Dili	150	179	174	172	181	189	179
Feto laos iha Dili	150	117	102	107	96	112	117

Iha kada ronda, amostra ne'e tetu ba markasaun populasaun nian ne'ebé define iha resenseamentu 2015. Ida ne'e atu korije resposta bias husi feto no mane no otas klaran sira, no mos uitoan Dili amostra-resin. Tetu ho Métodu Iterativu Arbitrária (Random Iterative Method (RIM)) uza pakote anesrake iha stúdio R hili nu'udar método tetu apropriadu liu ho konsiderasaun ba komparabilidade futuru nian, simplisidade no reprezentasaun populasaun nian. Variavel sira ne'ebé uza atu tetu, proporsaun sira iha populasaun no proporsaun sira ne'ebé la tetu ne'ebé hatudu ba loos.

#### Pasu prosesamentu dadus saida mak halo ona?

Wainhira ORIMA simu ona dadus, pasu prosesamentu dadus tuir mai mak hala'o:

- ◇ Haree duplikadu no pasa revista lalais.
- ◇ Resposta ba pergunta sira iha Tetum tradúz husi Fundasaun Ázia.
- ◇ Resposta "La hatene" iha pergunta oioin halo eiskluzivu.
- ◇ Tau kódigu iha kotuk hala'o se apropriadu.
- ◇ Pasa revista ba label variavel no label valór sira no modifika ba propóztu relatóriu nian.
- ◇ Tetu halo hanesan iha leten.

Resposta sira indika tipu ida husi naun-resposta (hanesan "La hatene", "La aplikavel" no "La kóhi") hasai ona husi baze relatóriu ida ne'e, eiseptu nia indika kontrária.

## Oinsá hau bele konfia iha rezultadu sira ne'e?

	MAI 20	JUL 20	SET 20	DEZ 20	FEV 21	MAI 21
Númeru husi resposta sira	423	404	407	402	429	404
Marjen husi erru	±4.8%	±4.9%	±4.9%	±4.9%	±4.8%	±4.9%

Marjen estatística husi erru ne'e konta uza proporsaun pursentajen 50% iha nivel konfidensiál 95%. Enkuantu marjen erru la teknikamente aplika ba amostra naun-probabilidade sira, ida ne'e bele uza nafatin hanesan matadalan jerál ida wainhira determina se rezultadu sira ne'e atualmente diferente ka diferente de'it pur akazu. Fatór sira seluk, hanesan métodu amostra, bias la-responde no erru sukat mos tenke konsidera wainhira interpreta rezultadu sira. Figura sira iha testu ne'ebé ho bandeira tanba diferente entre sub-grupu sira ne'ebé deskobre hanesan signifikante atu pelumenus kategoria ida seluk wainhira uza Welch T-test iha interval konfidensiál 95% ho marjen korresaun Bonferroni no teste sira ne'e konsidera ida ne'e. Maibé, sira tenke uza de'it matadalan jerál ida. Teste sira la esklaresidu iha ne'ebé la iha diferensa sub-grupu nian. Pur ezemplu, iha diferensa uitoan tuir jéneru. Iha relatóriu ida ne'e, la'os figura hotuhotu sei adisionál to'o 100% tanba tuir ronda.

## ANEKSU B

## BIBLIOGRAFIA

FAO. 2021. Relatóriu Espesiál - 2021 FAO Crop and Food Supply Assessment Mission (CFSAM) ba Repúblika Demokrátika Timor-Leste. Rome. <https://doi.org/10.4060/cb5245en>

MAP. 2020. Avaliasaun rápida ba seguransa ai-han Ronda 1 iha Timor-Leste – 9 Juñu 2020

MAP. 2020. Avaliasaun Rápida ba Reziliénsia Merkadu nian 2020: Relatóriu Finál Ronda 1 no 2 iha Timor-Leste – 8 Setembru 2020

MDF. 2020. Análize Rápida: Impaktu ba Merkadu husi Pagamentu Osan, Agostu 2020

MDI/OXFAM. 2020. Setór Informál iha Timor-Leste durante COVID-19 – Agostu 2020. <https://asia.oxfam.org/latest/policy-paper/report-informal-sector-timor-leste-midst-covid-19>

MSSI, Parseria ba Dezenvolvimentu Umanu (PHD) no Catalpa Internasionál. 2020. Relatóriu Levantamentu Apoiu Pagamentu COVID-19 nian – Jullu 2020

The Asia Foundation. 2020. Avaliasaun ba Impaktu Ekonómiku tanba COVID-19 ba MSMEs – Agostu 2020

Nasoens Unidas. 2020. Avaliasaun ba Impaktu Sósio-Ekonómiku (SEIA) husi COVID-19 iha Timor-Leste

UNTL/Oxfam (Li-li Chen). 2020. Feto sira iha Agrikultura iha Timor-Leste: Estadu Emerjénsia no Impaktu husi COVID – Jullu 2020. <https://asia.oxfam.org/latest/policy-paper/report-women-agriculture-timor-leste>

World Bank Group. 2021. Relatóriu kona-ba Timor-Leste nia Ekonomia, Maiu 2021: Charting a New Path. World Bank, Washington, DC.

World Bank. 2020. Relatóriu kona-ba Timor-Leste nia Ekonomia, Outubru 2020: Towards a Sustained Recovery. World Bank, Washington, DC.

World Bank Group. 2020. Relatóriu kona-ba Timor-Leste nia Ekonomia, Abril 2020: Nasaun ida ne'ebé iha Presaun nia Laran (A Nation Under Pressure). World Bank, Washington, DC.

World Food Program. 2020-2021. Buletin Seguransa Ai-han iha Timor-Leste: [https://www.wfp.org/publications?f%5B0%5D=country%3A2096&f%5B1%5D=publication\\_type%3A2137](https://www.wfp.org/publications?f%5B0%5D=country%3A2096&f%5B1%5D=publication_type%3A2137)

World Food Program. 2020-2021. Relatóriu Monitorizasaun Merkadu iha Timor-Leste: <https://www.wfp.org/publications?f%5B0%5D=country%3A2096&f%5B1%5D=topics%3A2130>

MAF. 2020. Avaliasaun Rápida ba Reziliénsia Merkadu 2020: Relatóriu Finál Ronda 1 no 2 iha Timor-Leste – 8 Setembru 2020.





